



03735

集乘野禎啟

不外借

共二冊

782.244,68

27434

3735

天津特別市市立第二圖書館 28-10.5.000



03735

市立第二圖書館

天津特別市

序

予甲申乙酉間刻有啓禎野乘一集行世

距今三十四年滄海橫流屏居西村農圃

之暇薈萃諸家誌傳墓表而排纒之復得

若干大約忠義壹行孝子烈嬭之屬居多

將授諸梓客謂予曰居今之世生今之時

讀書好古蘄然有以自見不可謂之非逆

序一

天也子何自苦頭白汗青爲予曰子言是

也舉世矇瞽拍肩接踵予以殘年暮畧一

旦張目奮臂標正人陳理學據一閭之地

而爲四戰之國布方寸之鵠而招千人之

射實應且憎彌眇寡助物莫之與而傷之

者至矣豈不殆哉客愛我者其忍具曰予

聖以規瑱吾耳者乎雖然僕聞忠孝節義

間氣所鍾也香之有梅檀也玉之有瓊瑤也寸香片玉流落於斤斧溝壑之餘人猶爭而寶之而況忠孝節義之屬衆香之林也羣玉之圃也忍視其斷簡殘編湮沒于荒煙蔓草之中而不爲之所乎自維生平薄學淺植然而世食舊德胚胎前光壯游虞山漳海兩先生之門其手南北部之壇

序二

埤大小東之章牒頗能洞其源流別其涇渭因念兩朝名臣顯著在人者固多幽隱弗彰者亦不少用是鈎稽條貫詮次成篇或亮節清風品崇山嶽或鴻猷偉績業沛江河或厚澤深仁著龔黃之遺愛或直言敢諫追徵黜之嘉謀或藝苑流芬經經緯史翰墨昭回雲漢或沙場灑血斷脰決腹

忠貞噴薄日星乃至故國遺民舊邦吉士  
剖肝孝子截髮貞妻皆得而論定焉但恐  
其人奇而吾筆庸不足鋪張懿美又或其  
事冗而吾文窘未能揚厲風徽斯則負疚  
前賢貽羞椽筆知我罪我聽之而已慨自  
世衰道微廉耻漸滅臣弑其君子逆其父  
士賣其友弟子背其師妻妾棄其夫幾不

序三

知忠孝節義爲何物楊焉之治河也患底  
柱而鑄之忠孝節義其爲底柱也大矣扶  
持長養之猶恐不足又從而鑄之鑄之亦  
如底柱之沒水中終不能去而世之爲楊  
焉者未已予之纂此編也其將以是爲底  
柱乎抑亦致戒于患而鑄之者乎嗚呼尤  
可歎息也詩曰惟其有之是以似之又曰



啓禎野乘二集目錄

卷一

文穆成公 基命

大學士錢公 士升

禮部郎陳公 龍正

司李柯公 元芳

僕少王公 陞

閣學姜公 日廣

大學士李公 國樞

啓禎野乘

目錄

卷二

少師韓公

員外高公 承延

宮諭楊公 士聰

侍郎曹公 敷

靖南侯黃公 得功

大學士傅公 冠

學士徐公 沂

宮詹許公 士柔

大學士吳公 性


大中丞湯公 開遠

御史成公 勇

禮部郎周公 鑣

侍講劉公 同升

新樂侯劉公 文炳



都御史馮公 元颺

太宰鄭公 三俊

寧南侯左公 良玉

御史詹公 爾選

戶部郎凌公 世韶

僉事雷公 續祚

給諫許公 國榮

州守李公 學旻

尚書張公

有譽

清惠丁公

賈

吏部尚書張公

捷

都給事何公

楷

秀才金玉五公

叅政計公

元勳

襄城伯李公

國楨

忠毅衛公

景璫

布政王公

象晉

僕少王公

追阜

副使施公

元微

唐七公黃衫者

秀才瞿公

德毅

侍郎左公

懋第

孝廉黃公

啓禎野乘

目錄

二

二集

卷四

南部令鄭公

夢眉

尚書高公

弘圖

考功郎夏公

允彛

副使凌公

必正

興平伯高公

杰

經歷蔡公

士順

尚寶丞錢公

元懋

東陽令盛公

王贊

御史黃公

宗昌

教諭劉公

永錫

禮主事張公

采

光祿少卿范公

鳳翼

御史李公

發元

福州太守王公

永吉



閣部史公

可法

兵部尚書張公

伯鯨

侍郎衛公

胤文

吏部尚書徐公

石麒

副都御史楊公

維垣

刑部尚書高公

倬

中書舍人龔公

廷祥

御史凌公

調附姪潤生

進士黃公

淳耀

兵部郎中王公

永積

刑部員外錢公

鳳覽

禮侍陳公

函輝

文學顧公

所受

新都令黃公

翼聖

卷六

太傅張公

國維

都御史劉公

宗周

啓禎野乘



目錄

御史鄭公

為虹

大理丞詹公

兆垣

大中丞祁公

彪佳

狀元余公

煌

太常朱公

國盛

刑部員外錢公

蕭樂

學博睦公

明永

提學高公

世泰

太學顧公

夢麟

御史胡公

時忠

太守劉公

永祥

隱君樂公

莘

卷七

大學士蔣公

德璟

閣學黃公

道周

江督袁公

繼咸

都御史路公

振飛

俞事王公 恩任

刑部郎徐公 復讓

文學盧公 如聘

孝子顧公 振

文學楊公 捍

卷八

百歲胡節婦

信陽劉烈婦

嘉興吳賢母

鎮江錢烈女

揚州女子

揚州韓烈婦

丹陽婦

吳縣宋烈婦

蘇州徐烈婦

湖南女子

啓頑野乘

目錄

四

二集

宜興姚烈婦

武進徐烈婦

錢塘女子

南京侯烈婦

松江五烈婦

平湖金烈婦

江陰張氏隣女

武進吳孝烈女

崑山兩烈婦

無錫王貞女

寧波劉烈婦

武進王烈婦

永定邵烈婦

會稽章烈婦

會稽陶烈婦

徽州江節婦

無錫唐節婦

無錫高節婦

終

成文穆傳

梁溪鄒

漪流新書



公名基命字靖之避廟諱以字行大名入少爲諸生長身玉立與高陽孫公承宗齊名萬曆丁未舉進士選庶吉士在詞林砥行績學迴翔詹翰歷官吏部左侍郎崇禎元年枚卜閣臣廷推居首不果用踰年警畿輔震驚上用廷議十一月七日卽家起高陽以樞輔駐通州控御神京次日趣召公陞禮部尚書入

啓禎野乘

卷一

一

二集

閣辦事越五日高陽入朝召見平臺公颺言於上曰願陛下以戰守事宜一切委承宗俾得盡其才力必能仰副聖意上爲首肯當是時烽火連接警報錯互舉朝惶駭不知所爲公言出而上意定廟算一人有固志上始悔用公晚也高陽旣出鎮公在政地無日不以閉門爲慮凡所條上覆奏綜核舉行于兵部則謂四方召兵抵圻輒烏獸散當正七萃乘城之士宵旦不得下當更番宣雲勁卒入衛當額招備取當

于戶部則謂調集費煇額賦當急行糧當覈新餉當

增凍糧當運。明年領兌續運之法當行。于工部則謂  
收發辦造當稽內造外造當促期戰車當補料價當  
先期以應。凡所條次當典當革。手批口荅。心計日營。  
爬搔拮据。目勞銜怨。皆以內庇軍國。外應疆圍。爲張  
皇安攘之計。而其最大者。則處置關帥一事。蓋是時  
馬帥世龍。出自獄中。受命摠理。方扼腕奮臂。期却敵  
自效。中樞惡其兀傲。不善事已也。使其私人監視之。  
公謂國家所倚賴者。關門關門所倚賴者。高陽。今以  
私憾齟齬世龍。掣高陽之手。足而責其展布關門之

啓禎野乘

卷一

二

二集

事去矣。獨不爲國家慮乎。于是力排羣喙。取旨申飭。  
命世龍一意進取。不得輕議更置。又申飭羣帥聽總  
理節制。世龍益感奮誓死。統諸大帥。從高陽下灤。遷  
復遂永。四日而四城皆下。露布上聞。獻俘告廟。本公  
在政地。周慮危疆。主張國論。居中調護力也。公感上  
知遇。插牙樹頰。無所鯁避。漏下三鼓。猶在直房上。從  
午門望內閣。燈火熒熒然。屏營歎息。不能成寢也。公  
身在禁近。心切邊疆。京師解嚴。公尋乞罷。疏凡三上。  
温旨慰留。敘功加太子大保。上深念官常國紀。敝窳

而觀其奪，戚烈績。垂休揚烈，銘勒金石者，罕見其人。至於拱嘿于睢，貽譏伴食，或樹黨營私，以人國爲戲者，比比狀也。公自筮仕至白首，蹇蹇諤諤，條振彛章，雖身被褫斥，而令聞克著。譬之璠璵之性，寧毀不渝。麟鳳在廷，馴而不狎。庶幾哉匪躬之節，鼎鉉之臣矣。

啓禎野乘

卷一

三

二集

公名燠字象雲山西蒲州人也中萬曆二十七年進士選庶吉士授編修歷官中允掌春坊事再遷禮部右侍郎侍讀學士皇太子出閣公進講舉止嚴重聲音琅然太子輒屬目已進左侍郎光宗卽位以禮部尚書兼東閣大學士叵何上前公偕諸大臣受顧命時方公從哲爲首輔與中官比當李可灼進紅丸從哲不能止已又擬旨賚可灼于是侍郎孫慎行上疏引春秋許世子不嘗藥之義以責從哲比之弑君廷

啟頑野乘

卷一

五

二集

臣交章力攻公謂國家有大體以先皇聖明而目之曰弑筆之于史何以示後且公等偕受顧命不能力止均之罪也安得獨坐卽具疏爲上白請皇上渙發玉音諭告中外俾議法者勿以小疑成大疑編摩者勿以信史爲謗史則先帝融朗之令名與陛下光揚之大孝正終正始永世有辭疏入據以成獄從哲得善去而戍可灼以解卽慎行等亦不以異議爲憾也進太子太保戶部尚書文淵閣天啟元年奉命詣天壽山覆視光廟去地并謁皇祖陵寢還言脩德凝命

敬天法祖上嘉納之以登極恩加少保兼太子太保  
吏部尚書進武英殿再加少傅進中極殿上頗于宮  
中佚游不恤國是中官乳母交盜其柄公與葉公向  
高同心匡救侃侃持正朝政稍清三年以山東平妖  
功加左柱國少師兼太子太師四年楊公漣上疏極  
論忠賢罪臺諫相繼論劾而上顧信忠賢益堅向高  
調劑之不聽遂力請休而公爲首輔會上不豫公入  
對言慎起居遠婦寺清心寡慾以迎天庥上稱善而  
忠賢之黨方以三案起大獄殺諸正人公不肯奉詔

版補野乘

卷一

六

二集

則輒下中旨行之而責公黨護言官與孫公慎行周  
公嘉謨皆鐫秩公遂求去不聽會吏部尚書趙公南  
星都御史高公攀龍爲閹黨所訐踉蹌去位公上疏  
力救言一日而去兩大臣臣民失望且御批徑發不  
復到閣而攀龍一疏經臣票擬又蒙御筆改移大駭  
觀聽有詔切責公見朝政大壞度不可爲乃上疏自  
劾由云南北用兵軍需匱乏不能資廟畧以佐邊防  
寇災頻告徵發騷擾不能軫民艱以培邦本詰戎宜  
先營衛而觀兵禁掖無從扈宵旰之憂忠直尚稽召

還而榜。晉朝堂無以回震霆之怒。斯皆罪端。曷容深辨。惟皇上亟賜號奪。以爲輔理溺職之戒。疏入。予告歸。臨行復疏謝。有左右前後務近端良。重綸緯以重仕途。肅紀綱以肅朝宇等語。忠賢益卿公未幾而羣小橫加點灼。摘其票擬熊廷弼事。矯詔削籍。坐贓二千餘金。捕其家人。韓山拷死獄底。公悉賣田宅以償。因是棲息先墓。忠賢意必欲殺之。會熹宗崩。得免。懷宗帝立。特起公。晉中極殿。楊維垣力沮不聽。既陞見慰勞。甚至頗見信任。上惡門戶。溫體仁以試事。許錢謙益去之。毛九華任贊化。亦許體仁他罪。上怒切責。贊化公力請宥。贊化以安體仁。上因戒諭諸臣。毋各植黨。公退復具揭言。人臣不可以黨事君。人君亦不可以黨疑臣。但當論其才品臧否。職業修廢。因而黜陟。孰敢不服。若茅戈妄起于朝堂。畛域橫分于官府。非國之福。上嘉納之。叅定逆案。一出公手。案成上疏。有云。彼重處者。知媚逆之不可爲。卽寬政尚從。視削此量懲者。幸身名之未盡辱。縱稿項亦荷恩波。上旨其言。頒行天下。凡何言官交章劾王。末光庇覆逆黨。



而南禮部主事王永吉言之尤切上怒下求吉等議  
罪公密疏救求吉僅奪俸一年尋以皇子推恩太傅  
公力辭免上召對舉汰兵裁驛二議問公言汰兵不  
過當清占冒及增設浮兵若衝地額兵固不可汰驛  
遞疲累當責按臣核減以蘇民困其所節省當卽蠲  
之民以示德意上然之先是熊廷弼旣誅死遺骸未  
收御史饒京以爲言不許其子兆璧復詣闕泣請以  
事關封疆莫有爲訟言者公疏謂廷弼在遼有功無  
罪料敵如神十年盡驗卽曰失守廣寧與王化貞一

啟禎野乘

卷一

八

二集

體○伏○法○廷○弼○何○辭○乃○先○以○無○影○之○賄○懸○坐○楊○漣○魏○大  
中○爲○清○流○陷○阱○又○以○刊○書○惑○衆○借○題○徧○殺○身○死○之○後  
尚○坐○贓○十○七○萬○辱○及○妻○孥○長○子○兆○珪○迫○而○自○刎○斯○則  
廷○弼○死○未○心○服○臣○等○竊○論○自○有○遼○事○以○來○徼○倖○營○私  
之○輩○不○知○凡○幾○廷○弼○再○任○經○畧○不○取○一○金○錢○不○通○一  
餽○問○終○日○焦○唇○敝○舌○與○人○爭○言○大○計○如○其○家○事○似○猶  
此○善○于○彼○魏○忠○賢○盜○竊○威○福○士○大○夫○爲○爵○祿○所○誘○靡  
然○從○風○廷○弼○一○長○繫○待○決○之○人○屈○撓○則○生○抗○違○立○死  
乃○終○不○改○其○強○直○自○遂○之○性○以○致○獨○膺○顯○戮○慷○慨○赴

刻與偏者乎。吾觀懷宗御極。台輔不下數十家。其奮庸熙績。垂金石銘旂常者。指不數見。至于拱默于睢。賂譏伴食。或樹黨營私。以人國爲戲者。比比然也。公自筮仕。至白首。蹇蹇諤諤。忠君愛國。扶正抑邪。雖身被謗言。而令聞克著。譬之璠璵之性。寧毀不渝。麟鳳在廷。馴而不狎。卒之以道殉身。祖孫一轍。庶幾哉。致身之節。一德之臣矣。

公名士升字抑之號御冷晚號塞菴嘉善人曾祖伯  
峯公爲汝寧郡丞有政績再傳而舉公與弟士晉並  
擅機雲之譽公資性機敏器局凝重年十四補諸生  
及選貢廷對俱第一名益噪與顧端文高忠憲諸公  
遊耽心理學顧數奇不售會父抱危疾搏額禱天請  
以身代手寫法華經爲親祈年病尋愈已而父歿公  
哀毀不欲生宗黨歎其純孝乙卯舉順天鄉試明年  
成進士廷試擢第一授翰林院修撰拜官後卽謝絕

啓頑野乘

卷一

七

二集

俗緣靜對經史己未分校禮闈所得皆時彥旋乞假  
歸甲子升左中允不赴乙丑丁艱尋瑞禍大作毒流  
縉紳逮拷無虛日公家居幸免而魏忠節被逮公奔  
走營救捐金錢爲同志倡趙忠毅提問公遺書真定  
守蔡官治保護甚力萬公元白死杖下追賍無所出  
公又多方捐助人高其誼迨懷宗立起少詹事掌南  
院已已轉正詹事實錄副總裁辛未升南京禮部右  
侍郎攝部篆搜輯遜國諸臣逸事凡九卷曰表忠記  
上于朝疏請議卹人心大快癸酉特簡東閣大學士

公謝疏中云。但知事理。有是非。不知有親疎。愛憎。但  
知人材。有臧否。不知有南北。東西。必大法而後小。廉  
必知人而後安民。必足食而後足兵。必內寧而後外  
攘。上爲色動。方是時。懷宗宵旰。求治政。地票擬。射覆  
句字間。惟恐不得當。往往深文迎合。公每事務持大  
體。劑以寬平。然事權不在手。每直票擬。從容裁答。幹  
旋密勿。陰護善類。會長洲文公震孟。與首輔烏程不  
協。爲所傾擠。與香山何公吾驥。同去位。公密解不得。  
亦浩然思歸。丙子三月。特上四箴。曰。寬以御衆。簡以  
臨下。虛以宅心。平以出政。其言深中。時病上意殊不  
合。不數日。而奸徒李璡。言利之疏入。欲盡江南縉紳  
富民。報名輸官。行首實籍沒之法。公怵然曰。此亂本  
也。擬刑部提問。懷宗意益不愜。命改票。公具疏痛駁。  
之謂巨室。乃國家元氣所關。故周禮荒政。有保富之  
法。今天下秦晉楚豫。無一寧宇。惟江南數郡。未動耳。  
若此法行。驅天下皆爲盜賊矣。言最切直。夫拂上意。  
遂請告歸。御史詹公爾選。至爲廷諍。天下壯之。歸而

健戶射客。惟疏也。植竹養魚。籠鳥疏窓。綈几叢書。其

間優游者述尤妙爲德于鄉荒施廩疾施餌死施棺  
甲申變後痛不欲生祝髮誦經至壬辰年七十有八  
六月既望公夢見懷宗召急索袍笏趨侍明日疾作  
却藥不進易簣時訓子蔡以方外服殮與雪菴和尚  
同傳遂卒死後肢體柔軟若生大暑中香氣不散里  
人夢公爲裴休丞相後身殆不誣云公白哲豐下項  
有奇骨秉性正直和風藹藹至談及人才國事則蠶  
發泉湧澹于聲色尤好讀書老而彌篤所著有表忠  
記及高子遺書近思錄楞嚴外解莊子詮周易揆諸

啓禎野乘

卷一

三

二集

書惟甲申死事諸誌傳未就而歿二子長栻庚午舉  
人○次棟丁丑進士先公死事乃以弟中丞次子蔡爲  
嗣○蔡中壬午順天舉人有才名諸孫黈乙未進士任  
寧國府推官

論曰懷宗御宇十有七年綸扉片地席不暇暖凡四  
十餘人其間同異互爭東西各向其持正不阿則蒲  
州○南○昌○高○陽○長○洲○福○清○華○亭○大○名○數○公○而○已○然○未○有  
若○公○與○晉○江○嵩○爲○東○南○百○萬○生○靈○請○命○潔○身○去○國○者  
也○晉○江○以○爭○練○餉○鈔○法○欲○挽○民○心○于○旣○潰○之○餘○先○生

以保富室縉紳直培國本于未播之日是皆功在子  
孫黎民然而焦頭爛額固不如曲突徙薪之爲計得  
矣○予故詳著其事○俾後之考世者知二公之進退關  
一代之興亡其猶有觀感也夫○

晉江謂蒔  
公德璟



公諱承延字澤外號寓公嘉興人世祖遜志以太常少卿死靖難謚文忠曾祖文登由舉人歷官膠州守有惠政祖林諸生哭母哀毀未滿喪而歿後贈屯田郎中父道素負才名舉萬曆乙未進士孝緒忠規祖訓父迪蘊隆以及公幼穎悟善屬文經史百家無不該洽痛父以監督藩邸負極冤死服闋投牒學使云縱縈贖父生有愧於鬚眉蔡定沉河死尚稽於旦夕欲謝苴麻而未忍願依蒿里以長居學使不許崇禎

啟禎野乘

卷一

十五

二集

已卯舉鄉試庚辰成進士除遷安知縣遷號極邊公單車之任適糧艘凍天津榆關絕餉當事檄州縣陸輓濟之遷當四千石公力請得減半設法移解俟米泮抵兗屯糧省浮費以萬計又地近輦轂諸勳戚擄權利富豪倚以爲奸避徭役逋賦稅公鋤抑之不少貸凡水利屯田招撫諸政次第舉行開墾荒蕪至三千餘畝而流民歸業者千七百戶自公下車踰年而邦以大治壬午調繁寶坻一以治遷安者治之邑民最苦解戶公視田爲差定以畫一豪右多侵占公

直披之清出五百餘頃時漕急水涸公親行河上督  
濬開倒匣洪舟行不紆折得旨紀錄太僕寺議馬匹  
免發寄止徵牧芻公揭爭發寄猶期弛擔改徵牧芻  
將爲定例非國家惠民意事獲寢順天府屬額設淺  
阻剝船八百轉漕向屬武清香河灤縣戊寅己卯間  
分武清三百隸通州至是通州議派寶坻百有二十  
公念寶坻距漕河遠代民請命仍以船歸武清通州  
而寶坻稍協濟其費得俞旨民大感悅冬十一月  
大清兵圍寶坻八晝夜以守嚴不克癸未夏四月

啟禎野乘

卷一

六

二集

大清兵再至復禦却之懷宗嘉其功詔從優叙會忌  
尼之改調涇縣公未嘗稍介意百姓遮道哭送者數  
百里涇縣之政較前加善期月而民歌之曰琴溪泉  
潔而清崑山阜青入雲誰其比高使君甲申聞北變  
公瀝血草檄移約旁郡縣爲常山死守計已而南都  
立公奏記史督輔可法言兵事可法稱善遷工部虞  
衡司主事上書白父冤詔復原秩受誥贈如制隨以  
葬父養母乞歸曰承埏非忘君國大仇奈獨子何南  
都失後公奉母村居足不入城踰三載而歿得年四



十八疾革賦詩有云惟將前進士慘淡表孤墳讀者  
哀之公性嗜書芸閣所藏不下數萬卷雖簿書鞅掌  
不廢覽涉至法書名畫彝鼎之屬辨識精當華亭陳  
山人繼儒嘗語吳徵士統持曰攜李賞鑒家向推項  
墨林今惟高氏父子寓公之繼玄期視海嶽玄暉殆  
爲過之長洲徐詹事沂稱公大言足扶世教微言可  
證道心江夏劉孝廉敷仁見其文卽執弟子禮蓋其  
經濟文章爲時推重如此所著有盈州却敵記稽古  
堂內外集若干卷子佑鉅篤志詩史孝友克世其家  
爲吾黨所僅見云

夜瀨野乘

卷一

七

二集

論曰先生懿行不可殫述大都經濟似董江都吏道  
如黃次公而至性純心則文信國謝翱羽之流亞也  
申酉以後痛不欲生念母太夫人年高又終鮮兄弟  
未能卽自引決其悲歌慷慨低徊結轡以迄於死與  
榻前牖下之徒遠矣嗚呼端皇帝闕門延訪思得一  
奇才異能懷忠抱義者以當于城之寄及得其人而  
柄人又從而陰尼之灰任事之心墮邊吏之氣觀先  
生事不亦大可痛哉

公諱龍正字惕龍別號幾亭嘉善人父于王萬曆丙戌進士歷官廉憲所至有惠政及民公幼有至性磊落不九年十四斬然見頭角從同邑吳公志遠遊因師事高忠憲公究濂洛關閩之學忠憲特器重之天啟辛酉舉順天鄉試久不第所學益邃遂徹生之旨崇禎甲戌成進士丙子分較比闈當事以公具人倫鑒得叅閱各房牘識王公漢於糊名中丁丑授中書舍人時天子頗尚綜覈內廷爭爲深文以市寵輦

敬禎野乘

卷一

六

二集

騷然戊寅夏熒惑守心有詔赦流以下囚公因言入心惟在好生好生尤宜減死上優荅之卽勅廠督毋輕人命損陰功語極懇惻公乃復進特闡奏職疏言陛下十年求治憂兵憂餉臣以爲勿憂餉而憂兵兵精則餉自省勿憂兵而憂將將良則兵自精勿憂將而憂輔臣輔臣賢則良督無良將帥自出疏上閣擬再三未稱旨上親褒荅之尋奉命使魯藩留疏極言加賦和款非計友人持之不果上巳卯彗星見公復應詔陳言謂事天以恒不以暫而歸重於寬刑納諫

謂直言無時不當受人命無時不可哀願陛下日日存之歲歲存之上大感動御筆圈獎立冬大雷電兩雹公復疏請正郊期當用上辛毋循冬至諸家混冬日至爲冬至日一字顛倒遂使郊天大禮行於閉關不省方之候千年踵誤有待聖明御批閣臣會部議奏竟格不行奉命冊輝府見中州旱飢勸諸王賑莫應首捐俸以風還里知時事日非乞休不許壬午趨朝值上下詔罪已復三上疏言時政上皆優荅之公故留意西北荒土以爲救時本計莫要於此會詔問

敬視野乘

卷一

九

二集

拯困甦殘公著議極言金非財惟五穀爲財屯田本足以生穀惟墾荒足以生穀起科不可以墾荒惟承不起科可以墾荒而五穀可足加派可罷民生可安允數千言上特詔取議入覽爲設總理司道專董其事卒以屯墾相持而罷甲申春坐丙子分闈註謫謫南國子丞亡何京師陷南都嗣服起公祠部郎墜卧不出乙酉夏金陵失守薙髮令下公隱身先祠不食死門人吳統持等叅衆論而私諡曰文潔表公志也公貌癯古雙眸炯炯矚當世善敗豫事言之多中遇

當塗咨詢必竭誠告之。史公可法爲皖撫。臨敵輒身先士卒。公進以持重好謀。及平寇五機。史公感嘆曰。幾亭真愛吾者。修撰劉公理順與公同門。凡經筵啟沃。與其鄉寇亂。綢繆之法。率倚公籌畫。晉撫蔡公懋德。宣撫朱公之馮。豫撫王公漢。凡軍國機宜。必與密緘商確。或得報而後行。公薦引良士。不遺餘力。尤留心將材。居里端以興除爲任。甦重役。振寒士。活飢民。邑人至今頌之。爲學原本程朱。明於治體。所論列皆國家大本大計。古名臣無以加。惜爲忌者梳沮。

敬禎野乘

卷一

二十

二集

不得行其志。著學言政書文錄。凡六十餘卷。輯程子詳本。朱子經說語類。陽明子要書。高子遺書。皇明儒統。墾荒兆行救荒策。會陶詩衍諸書行於世。子四人。探修畧。養皆以學世。其家探孝友篤學。父沒後詳定遺書賦述先詩二千餘言。論者以爲實錄。修於書無所不窺。輯三禮及周髀井田記。甫成而卒。周髀一書與墾荒表裏。而三禮則自戴氏本記儀禮周禮外。密勿網羅。得其篇者四十有三事。考義標目。有倫有要。蓋典禮之會歸。云畧頹敏好古。滄桑時感。憤先卒。養

敦氣誼重文章士林翕稱之諸孫昌秉哲庸詰倫謀  
道等皆卓犖有祖風

論曰世亦有遭時迫阨懷德獨行而稱隱者以公視  
之何若一日不容苟生於世哉公少受學於高忠憲  
忠憲倡道東林以復性爲宗以辨晰理欲扶植綱常  
爲重以故遊其門者往往多特立獨見之士喬松孤  
鶴如公其著者矣讀公前後諸疏語語石畫假使秉  
均者體當宁之意而推行之卽國步多艱寧至一潰  
而不可收拾聖選滄桑始終一節昔人謂廉頗蘭  
啟禎野乘

相如千古下凜凜猶有生氣惟公實庶幾焉

楊宮諭傳

公諱士聰字非聞號鳧岫山東濟寧人父洵王辰進士官叅政公幼從父官南中鄒公元標一見決爲偉器稍長與東林諸正人聯聲氣顧性豪邁喜任事蓮妖變起滄人洵懼嘗上禦盜策首以安靜爲言人服其識天啟甲子舉鄉試丁內外艱時值璫焰方熾郡有謀建祠求公文弁募冊者公拒之崇禎辛未成進士癸酉授簡討壬午陞右中允癸未陞左諭德計前先後在史局十餘年奉差者一歸田者再分闈副考

啟禎野乘

卷一

五二

二集

者二當文相國去位時威目懾易程威柄莫敢祖道公獨送之郊珍重而別舊滋陽令成德疏糾烏程忤時成非文門下士而當事者強牽綴之公力辨其非事得解持節趙藩王以病請母拜公言皇華侍酒無异朝班王惧卒拜如禮當東省之多事也登州兵變朝議多主撫公獨主勦後卒如其言劉澤清叛形未彰且將逮公謂激之必變是又添一流寇也力贊黃晉江密揭止之二東以安漕艘過濟值李青山之亂方議寄圍日役夫萬人公遺書漕使者事得止辛巳

饑疫相仍。公捐貲賑乏。復請總河張國維設糞城內。外凡數百處。所全活無筭。至宜興相再入。公以門人多所規勉。後宜興自盡。公爲經紀後事。潘川相柄國。糾其私人中書黃應恩。戊寅召對。公指陳考選情弊。及會議葛藤。且發大僚田某。其黨史某。朋比奸貪。賣官鬻爵。狀幾遭反噬。進講經筵。以德惟善。政章規切。時政退而疏請。蠲東平汶上七縣災荒。租得如議。嘗講君子有九思。章時相以聖不自聖等語上。最厭促易去。公弗應。其風采嚴正如此。甲申罹變。闔

啟頑野乘

卷一

三

二集

者方以公爲東林黨。將搆內察處之。尋金陵失守。公浮舟于吳浙間。賴其門人錢茶周旋。羈旅已又。迂毘陵戚墅堰。嘗作尚友蘇子瞻先忠公二詩。以寄志。易簣前一日。語其子曰。亡國偷生之人。死亦何恨。青山埋骨。豈必故土。便當葬我此地。題其碑曰。蒞陰舊史某人之墓。目且瞑矣。公卒于戊子七月。得年五十有。二所著靜遠堂集。玉堂舊記。戊寅記事。甲申核真畧。

論曰詞臣無言責獨公謔謔筆隼高墉蓋自其爲諸  
生時卽從東林諸君子遊其立身立朝尚氣節別邪  
正有由然也溯公生平最服膺先道鄉忠公識者謂  
公之志與先忠公並而公之遇復與先忠公等知言  
哉

文獻野乘

卷

三



公志與先忠公並而公之遇復與先忠公等知言  
哉



柯司理傳

公名元芳字月傳號楚蘅先世莆田人元末慶元路學正仲爵始徙嘉善代有隱德祖守溪父茂林皆以耆碩稱公生而岐嶷弱不好弄迥異群兒才筆能沾丐數輩年二十五舉于鄉主試爲錢公謙益于旅見之日目曰視端而神穩必君子也屢上公車報罷杜門却執淑慎如處子不肯以猪肝一片累人崇禎丁丑成進士出沈簡討延嘉門見于漳浦黃公道周目之如錢公等丁父艱居喪有聞服除授建寧府推官

敬頌野乘

卷一

五五

二集

建寧介八閩上游俗獷悍稱難治公爲政雍宿蠹禁誣告懲簪筆慎平反杜請托老文法吏莫敢仰首遇中籌事必爲洗發每嘆曰彼爲隱忌峭刻之文暴揚燕私黥污帷薄其如人子姓何且獨不爲子孫地乎大要以覈官評正刑書爲亟有府幕某者以才幹稱公爲荐諸撫按其函百金爲謝公佛然曰何處得此穢物而且以污我耶却之兩署府篆再署甌浦按行屬城所至辦肅浦城接壤壽寧江山蘇皖賊盤互剽掠公募壯勇設間謀擒賊首五六王餘党竄伏

公還郡監司倖功喪師顧以平日薰蕕矛盾遂以遺  
寇嗾公坐鑄一級已而賊復嘯聚柘浦約日取浦城  
公時署郡篆調知之午夜勒郡邑兵分道掩捕賊  
七十餘酋反手就縛諸大吏驚相告語是果能辦賊  
非縮朒縱寇者當公鑄級時邑令夏公允筵等奮袂  
與直指抗辨請解符印去而閩中正人蔣公德璟林  
公欲楫等相率訟言于朝公卒用是得直甲申以理  
績行取第一歸橐蕭然卽土產書茗香筴亦不携一  
物未及任而國難作已聞貴陽秉政禍及清流公曰

啟禎野乘

卷一

五

二集

時方多難邪黨擅權世事可知矣我豈可褰裳就之  
哉隱居郊外奉母躬耕垂十餘年優游以老公爲人  
仁孝廉潔外和內介與人交久而敬澹而可親無少  
長貴賤人人得至其前至其勇于爲善惟日不足歲  
辛卯邑罹水災捐資施粥全活饑民無筭聞閭里不  
平事不啻痛癢切已杜門好修不事生產澹泊寧靜  
絕無聲色玩好當初舉進士觀政得贈公家書心動  
曰無疾病何以非手跡請急馳歸謂悞觀政罪止禡  
革尚不歸抱恨終天甫及門而贈公病卒執手慰問

扶抱進袍服奉觴再拜。贈公額之而喜。蓋踰月而死。人以是知掩臂嚙指古孝子非虛語也。爲舉子病吐血。良醫搥手相視。夢三丈夫來診病。前行者却指第。三人曰。能療汝。公拜之。以藥一丸投盂水。戒飲。盡手摩頂數周。輒大吐。雜然。惟曰。愈矣。芬香迸口。齒間越翼。日里人以修三官祠爲告。問其中。服則所夢同也。自是病良已。易簣前語所知曰。吾平生無媿心事。此時輒有得力處。瞋目長逝。如入禪定。蓋公之居心創事。清明誠一。與神明通者久矣。公卒以順治戊戌二月。

敬禎野乘

卷一

五七

二集

月得年六十有二。以長公貴。封禮科給事中。里人公奉入鄉賢祠。而建寧等屬亦崇祀名宦。所著書有言孝十卷。訓儉二卷。雙修錄四卷。長公名聳。己丑進士。爲棗陽令。以治行卓異。歷官都給事中。忠誠正直。蔚有公望。常抗疏論列國計民情。切中體要。而糾彈封駁。不顧忌諱。天下傳之。誠古之遺直也。

論曰。司李官爲刑憲。往往以風力見長。公顧務持大體。不屑屑以鈞距爲巧。搏擊爲能。善乎虞山先生之誌公。謂金聲玉色。美不勝書。而總以一言蔽之。曰厚。

也夫今世士大夫亦日趨于薄矣非先生其誰與挽  
頹風而型末俗乎昔陶朱公有白璧二色相如徑相  
如澤相如一者千金一者五百金人以爲訝迫側而  
審視之千金者厚倍于五百金公之李寧如是宜乎  
食報于子今給諫公身在日月之際海內仰爲威鳳  
祥鸞譁云活千人者侯柯之澤寧有量乎

曹侍郎傳

公諱勳字允大號我雪其先爲華亭世族曾祖藩幕  
公鑰始徙嘉善祖廣文公津歷任青陽邵陽南安著  
周禮集傳行世父文學贈公穗積學不售著易通詩  
義尚書解而尤覃精濂閩著性理禱說稱世大儒配  
顧夫人生公公其季也生而夢日入懷天資絕人日  
讀書積寸夜寢與兄共被必互考古義數則每先其  
兄爲文豪邁渾脫不停綴不加點他人研思窮日莫  
得其牙後慧益有夙悟云巳酉補諸生學使陳公大  
啟頑野乘

卷一

五元

二集

綬目爲萬選錢自是每試輒冠乙郊中副榜主考吳  
文端宗達批鬪卷曰知爾不能薦羞稱獻納臣雖失  
賢書而公之名倍重矣天啟辛酉魁鄉試崇禎戊辰  
試南宮第一海內翕然稱得人國門之業不脛而走  
習制科者靡不以公文爲繩尺公夙負異才未弱冠  
時鄉先達李公九疑號知人每以第一流相許比之  
馮具區陶石簣至是以畫梅一枝題贈曰曾向未開  
先着眼春來驚見最高枝自喜鑿衡之不爽故事榜  
首多鼎甲公又物望傾注然素性高介大節不可撓

少從高忠憲公遊。講性命之學。同里魏忠節公爲世  
交。周旋患難。作長歌記別論者。比之臯橋。別語野  
並重。故當釋褐時。卽岩岩侃侃。與時迕。抑置二甲第  
二。而公意泰如也。選庶吉士。念母夫人年高。已卽  
假歸。斑舞。色養備極。歡怡尋遭。元配徐夫人喪。終身  
義不再娶。癸酉。還朝。授編修。克經筵。展書官。記注起  
居。纂修六曹甲戌分考會試。所得二十一人。皆知名  
士。如許直輩。皆以節義顯。是時烏程柄國。驅除異己。  
公每執正。獨立無所回屈。而寔陰行補救。以護持清

敬禎野乘

卷一

三

二集

流如黃給諫公讓。糾烏程擅權。幸免重譴。章都諫格  
菴。叅巴縣。通內得釋。詔獄皆公力也。沉心密運。人未  
嘗知之。而公之拂衣。蓋已益決矣。乙亥。奉使封魯藩。  
遂疏請終養。壬午。卽家。陞左諭德。歷左春坊。左庶子。  
兼翰林院侍讀。俱不赴。棲遲予舍。不忍絕裾。會甲申。  
聞變。公奮志請纓。赴難。而南都擁立。以原官召公。慨  
狀曰。國事方殷。豈臣子安枕日作詩別母有孫兒幸  
免爲徐庶報國難。當是李綱之句。忠義激發。天下傳  
誦焉。尋陞禮部右侍郎。兼翰林院侍讀學士。掌翰林

院事加從二品服俸覃恩贈三代如公官子恩蔭當  
是時貴陽桐城比黨亂政公于講筵時時規諷至危  
言動色冀得一挽回而朝堂哀耳卒莫能聽也適當  
大夫人訃至徒跣還籍因築室于溪爲避地計曰此  
吾祖若宗歌斯哭斯者也日聚宗人賦詩飲酒飄然  
塵外日署曰于溪釣叟比烽烟無寧宇而于溪獨晏  
然雖地僻且儉寔公至德和氣有以素孚于人也丙  
戌壬辰長公爾堪聯登進士讀中秘書公絕不介意  
日父爲謝疊山子爲許魯齋亦各行其義耳惟諄諄

敬頌野乘

卷一

三

二集

教長公以寧儉毋奢寧恬無躁寧恕毋刻寧勤毋怠  
寧樸毋巧持身居官處世御下種種格言癸巳詔

舉遺逸御史特疏薦公徵書屢至終不就乙未十二

月卒年六十有七易簣前有大星隕于庭異哉公豐

頤隆準日若曙星爲人忠諒易直不設城府孝友出

于至性與人交握手出肺腑光明卓犖能先人後已

立朝大節蹇諤不阿詩文皆天才獨運奇快不落畦

畛尤留心禪悅妙得易卦微旨所著有學易初編兩

朝紀畧說書隨筆雜述塵餘家乘文集諸種配徐氏

有賢德子五人長卽太史爾堪鴻才頗學蔚有公望  
次爾坊才而天次爾垣爾埏爾埴暨諸孫鑑平鑑章  
鑑倫皆諸生有聲才筆妙天下以詩文重於世蓋徵  
公世澤永艾云

論曰當崇禎初服手芟逆璫新政肅狀而公應運首  
起出入承明廻翔館閣文章資地蔚爲調變之階其  
聲名震薄一時咸謂才之所極上駕燕許下凌韓蘇  
一代殊絕人物知不棄也顧公忠孝大節凜狀不欺  
其素立朝數載難進易退前後處權相之間不激不  
阿卒能全名而保節蓋公之品行與經濟兼有大過  
人者不特以文章推重苟使金甌協兆秉鈞軸矢寅  
亮必爲古名相無疑而造物忌完鴻施莫究所可惋  
惜耳余遊魏里得交公之子若孫虛懷善下人人得  
至其前嗟枯吹生藹如也因思公之立德立言兩俱  
不朽而子述孫繩絲綸奕世他日江左名輩屈指過  
人物必以曹氏爲第一流狀則公又何憾焉







公名得功號虎山遼東人原籍合肥奮跡戎行軍中  
呼爲黃鬪子崇禎丙子爲把牌中軍從太監盧九德  
勦賊河南驍勇獨絕屢有戰功庚辰入掌禁旅復以  
總兵官出守鳳陽駐劄定遠帳下士幾爲暴於城中  
城中人恐甚公躬自飛騎擒斬七人兵大戢一境慶  
更生堵禦流氛屢有殺獲所得牛羊馬豕時以分餽  
諸子衿服輒與子衿之有量者豪飲盡歡居數年兵  
民相安而邑不患寇定人德之爲建生祠甲申三月

放頑野乘

卷一

三五

二集

特封公靖南伯弘光立公以擁戴功加太子太師晉  
靖南侯時朝議分立四藩于江壯公置廬州聞與平  
伯高傑殺掠揚州公提兵問罪戰不克命太僕寺少  
卿萬元吉解之元吉貽公書期共戮力王室公自明  
無他欲聯絡各鎮鼓勇殺賊元吉以公書馳示傑等  
始罷兵凶何而太子獄起公抗疏言先帝十七年  
宵旰功德久在人心今聞太子至南敷天率土罔不  
舉手加額縱使非真亦宜詳慎豈可速之死地以失  
天下心又言東宮未必假冒各官逢迎不知的係何

人辨明何人定爲奸僞。先帝之子卽陛下之子。未  
有不明不自付之刑獄。人臣之義。謂何恐在廷諸人  
諂殉者多。抗顏者少。卽使明白識認。誰敢出頭取禍  
乎。四月。左良玉率師南下。調公援上游。以功封左柱  
國。廕一子世錦。承僉事。尋以上江再捷。晉靖國公。亡  
何。清兵渡江。弘光出奔。于五月十二日。駐太平府  
二十里。公與阮大鍼。朱大典等俱至。欲入太平。太平  
人不納。公率兵攻克之。十三日。至蕪湖。大典請從徽  
寧間道。暫走杭州。公不可。謂堂堂天子。豈有奔竄以  
救頑野乘。

卷一

三

二集

河山拱手。退讓之理。乃命陸兵扎岸。而身奉弘光。居  
舟中。未幾。劉良佐奉豫王命。引兵追及。且召公公。躍  
出大罵。謂誰不知我黃得功是好漢子。肯作投降人  
耶。清兵見公不從。箭如雨發。公四面遮格不及。身  
中數十矢。尚直立不仆。已而一箭中其喉。劍甚公知  
事不可爲。大呼。將士曰。爾等各宜努力以佐。引  
刀自刎。而絕。中軍翁之祺。投江死。而部將某挾弘光  
入清營去。

論曰。靖南固一時名將也。忠勇所不必言。卽其約束

軍士號令肅然有槍掠者必殺無赦卽此一事近日  
所絕無矣使得竟其鞞畧廓清底定吾知當日勲名  
應有不在雲臺諸公下者獨是南來精力半銷于競  
高全掣于防左身殲軍辱仰隴西盛名不終長可悼  
耳



姜閣學傳

公名曰廣字居之號燕及新建人萬曆己未進士改庶吉士鄒忠介公以薦李三才爲廷論所指公出揭直之甲子授翰林院編修奉使朝鮮不携中國一物往不取朝鮮一錢歸奉旨閱視島帥毛文龍還乙丑分考禮闈權奄用事令其甥傅應星納交于公公拒之復令其孫魏撫民謁公不見坐門戶落職爲民丁卯冬起原官次年陞左中允己巳清兵大入上特

簡馬世龍爲武經畧世龍擁兵不戰公力言於朝罷教頑野乘

卷一

三

二集

之庚午補講官於書義中諫上勿任性勿用左右小人其秋主應天鄉試得楊廷樞爲解元一時人文之盛爲數百年來首推歷南祭酒少詹事掌翰林院印教習館員南京吏部右侍郎改北京丁丑以事降職壬午起補南尚寶司卿陞詹事掌南京翰林院印先是公在講筵見時事日非進諫甚切上嘗謂閣臣曰姜曰廣言詞激切大見不平朕知其人每優容之甲申三月先帝升遐公與南京兵部尚書史可法議立君未定諸帥奉福藩至江上於是南京文武大臣

並集內官宅韓贊周出簿令各署名公言不可如此  
草草貽羞史冊須來日爲文祭告奉先殿乃舉行明  
日至奉先殿諸勳臣語侵可法公厲聲呵之於是內  
外側目於公矣弘光立以公爲禮部尚書兼東閣大  
學士公辭改禮部左侍郎入直劉孔昭廷許吏部尚  
書張慎言公因上疏求罷不許馬士英薦阮大鍼得  
召見公爭之不得士英攻公把持門戶公再求罷不  
許上疏言前見文武交競旣慙無術調和近觀逆案  
重翻又愧不能侵弭遂使先帝十七年之定力頓

放禎野乘

卷一

三九

二集

付○逝○波○皇○上○數○日○前○之○明○詔○竟○同○反○汗○梓○宮○未○冷○增  
龍○馭○之○淒○涼○制○墨○未○乾○駭○四○方○之○觀○聽○恐○天○下○忠○臣  
義○士○聞○之○必○將○杜○口○累○足○且○羣○起○責○臣○謂○遭○遇○聖○明  
備○員○政○地○不○能○持○危○扶○顛○臣○將○何○辭○然○後○始○求○罷○斥  
亦○已○晚○矣○臣○爲○此○言○諸○臣○必○謂○臣○炤○應○門○戶○摧○折○人  
才○臣○有○此○心○天○地○鬼○神○殛○之○臣○所○惜○者○朝○廷○之○典○章  
所○畏○者○千○秋○之○清○議○而○已○伏○望○皇○上○慎○重○名○器○謹○守  
紀○綱○并○斥○臣○歸○田○容○臣○得○以○顏○面○上○先○臣○冢○墓○臣○死  
不○朽○又○言○祖○宗○會○推○之○典○行○之○萬○世○者○也○昨○者○翻○案

之舉出自內傳。夫斜封墨勅種種覆轍史冊昭然。觀先帝之善政雖多，而以堅持逆案爲第一。先帝之善政亦間有，而以頗出中旨爲亂階。用閣臣內傳矣。用部臣勳臣內傳矣。用大將用言官亦內傳矣。論其尤者，所得閣臣則淫貪巧猾，姦險刻毒之某某也。所得部臣則陰邪貪狡之某某也。所得勳臣則穉狂之某某也。所得大將則統袴支離之某某也。所得言官則貪刻無賴之某某也。凡此皆力排衆議，簡自中旨者也。乃其效亦可睹矣。且皇上亦知內傳之故乎？總

因鄙夫熱心仕進，一見擯於公論，遂乞哀於內廷。官禁之中，豈詳外事？但見甘言悲詞之請，不能無動于心。而外廷主持清議之人，亦有貪婪敗類之事，授之口實，反唇相說，而內廷遂以爲攻之者，盡皆如此也。則遂許之矣。間以其事情密聞於上，及得上之意旨，又轉而授之。於是創一新方，但求面試，至於平臺一對演習舊聞，言言中窾，膏唇放溜，語語投機，立談取官。下殿得旨，尤可恨者，在陰持會推之柄，陽避中旨之名，圖維掃地決廉恥之大防，利口覆邪，長便佞之



惡習而天下事從此不可爲矣臣昔痛心此事亦於  
講議敷陳未及暢言猶存隱恨先帝一誤皇上豈  
堪再誤哉臣願皇上深宮之暇取大學衍義資治通  
鑑於君子小人之際反覆觀之必能發聖性之天明  
破邪謀於先覺國恥可得而雪中興可得而期也臣  
待罪綸扉仰體聖主和衷事從謙讓然而朝廷未尊  
風俗未改兵民之疑戰不解江淮之備禦全疎人望  
不來貪風漸長盜賊竊發旱魃爲祟北方近事已見  
攘瑜半壁東南仍同幕燕中夜撫膺媿死無地且臣

枚頑野乘

卷一

望

二集

之處此則亦苦矣苟好盡言終蹈不測之禍但取充  
位又貽鮮恥之譏伏乞皇上憐念孤踪立行削斥得  
肯慰留而太監孫呈秀以封疆失事公稟擬降調內  
批予原官御史祁彪佳疏論三大弊政公稟擬許禁  
革著爲令內發改稟公力爭謂緝事不除宗社且不  
可知何有厥衛不聽公既與時不合士英又日譖公  
公言皇上以親以序合立諸臣何功士英厲聲曰臣  
無功以爾輩欲立疎藩絕意奉迎故成臣功耳時有

建安王府鎮國中尉朱統鐓候考吏部寓京師遂乘

稅誣公穢跡且言定策時有二心誣聖德有七不可  
立公連章求去以母后南歸恩加太子太保馳驛歸  
明年南京失公潛里中二年會大帥兵起及城被困  
公自縊死題絕命詞於壁有讀書九世纔今日豈謂  
偷生是吉祥之句聞者哀之

論曰先生主考南闈先從父叔介公最蒙賞識每為  
予言先生嘗以性命之學諄諄戒勉及門予觀其初  
登揆地與史道隣高徑齊兩相國同心輔政天下喁  
喁望治焉不旬月而朝局頓變國事大非此武侯之  
故神野乘

卷一

聖

二集

出師征蠻倦倦以親君子遠小人為說而李綱之受  
命禦敵亦切切以信君子勿間小人為言也可不慎  
哉

公自縊于里

即卒南京失公潛里中二年會大帥兵起及城被困

立公裏章求去以母后南歸恩加太子太保馳驛歸  
謝靖公慈樹且言定策時有二心誣聖德有七不可

傳大學士傳

公名冠字元爰號寄菴進賢人祖文炯南京刑部尚書公中天啟壬戌進士廷試第二人授翰林院編修纂修神光兩朝實錄丁艱歸起復陞侍讀歷左春坊左中允充經筵日講官左諭德左庶子戊辰甲戌再分考禮闈歷國子監祭酒詹事府少詹事詹事禮部右侍郎兼侍讀學士掌詹事府事仍掌翰林院事上疏言欲施政令必治精神欲致功能必集才力欲精神之四周當明體要欲才力之畢出當別流品

啟禎野乘

卷一

望

二集

因奏四事一曰保元氣謂皇上下詔停刑尤宜更廣恩膏卽法無可廢猶令求生卽罪有難原必須曲揣則以生道爲殺何殺運之不可回也一曰辨才品謂正人不必盡能表見而巧宦未有不善鋪張今舍修名勵行伏節敢言之士而求邊道天下寧有無品無骨無義氣無廉耻之人而能成事死綬者乎建言得罪諸臣似宜勅部列名隨材錄用以鼓其親上死長之心也一曰正紀綱謂上治下貴役賤者紀綱爲之也乃矯枉之過日見凌囂豪黠得持有司悍僕得告

家長部民得許撫按驕卒得戍大帥始而犯上終于作亂于是外彞之侵中國赤子之弄橫池世弁之縱逆奴驕帥之抗節制邈有自來匪朝伊夕臣請皇上赫然一怒立置重典有犯無赦使臣下得安然爲皇上行法而治平之效可立覩也一日信詔令謂今出唯行不唯反所謂昭如五緯畫若四時者也然非平審至當尚慮阻窒難行臣願皇上昭渙汗之義正綵綸之體事理執其兩端俞弗同歸無我自言出而世則法行而不移矣疏入上嘉納之丁丑陞禮部尚書

敬禎野乘

卷一

四

二集

兼東閣大學士入閣辦事戊寅以疾乞休賜馳驛金獎歸里公在閣一年多所獻替其自序奏疏有曰政地機務嚴重皆同堂公擬奏揭皇上不時批答或遣文書官宣諭非奉旨下劄者不敢傳也蓋公之誠篤如此南京立予存問其明年闖賊部將王體中犯江西破進賢殺公孫禹乾掘公先墓公入闖起原官已而辭任及兵至公走泰寧門人江亨龍家爲江之仇家執見大帥不屈死之

論曰公居揆席不及一年觀其議論設施一以培

元○無○獎○進○人○才○爲○務○有○古○大○臣○風○焉○視○彼○獨○相○七○年○  
流○毒○天○下○生○榮○死○諡○者○其○優○劣○何○如○哉○



卷一

四十五

二集

元○無○獎○進○人○才○爲○務○有○古○大○臣○風○焉○視○彼○獨○相○七○年○  
流○毒○天○下○生○榮○死○諡○者○其○優○劣○何○如○哉○

梁溪鄒 滿流綺甫著

徐學士傳

公名汧字九一號勿齋長洲人家素貧爲諸生時卽以節義自砥當乙丙間魏忠節大中被逮舟次吳門公脫衣典數十金贖之及周忠介順昌難作公倡率士民擊殺縱騎禍幾及幸免中崇禎戊辰進士清修粹學與婁東張采金沙周鍾倡立復社聯絡聲氣時文風詭譎見者欲嘔公一以昌明閔頌廷始持風四

敬頌野乘

卷二

二集

方都人士無不知有孟晉堂稿家絃而戶誦者選庶吉士授檢討制詞有曰維才華本於節義知非吸露春葩若忠孝結爲性情可許凌霜冬柏累遷右春坊右庶子庚辰分考會試所得士如高爾儼張鳴駿吳方思徐律時李令哲姜垓呂翕如等後皆以文章功名顯是科書二房稿獨膾炙海內辛巳奉差南歸旋以病告甲申北變公出揭以討同鄉之從賊者自畫其形以置苦藁間題曰濟爾忘三月十九日之事乎爾孤臣也宜寢苦爾罪臣也宜蕭藁南京建國起少

詹事兼翰林院侍讀學士隨具請賜處分一疏辭甚  
力內言涓埃未酬慚負罔極顧當天崩地坼之際不  
在納肝斷脰之儔臣獨何心能不痛絕雖臣之本心  
非爲避危止以堅卧田間遠一時權要豈意偷生牖  
下成千古罪人若不討其重辜何以儆于有位復加  
峻擢錫以隆恩將與鞠旅執掌之臣連茹彙征以進  
則功罪同貫賞罰不明此臣所爲搏頽呼天急求謹  
斥者也時積習未除敝風日甚公復貽在朝同事書  
曰今日賢邪之辨不可不嚴而異同之見不可不化

以居民爲心則和一之至不必合黨連羣而自無不  
同以職掌爲務則猷念各分不必破黨渙羣而自無  
不異用人者執此爲衡其忠君愛民精白乃心者爲  
君子否則小人修職就業竭節在公者爲君子否則  
小人流品區明澄叙無舛故人謂異同立而賢奸之  
界限以明不知異同化而賢奸之品始出夫以先  
帝十七載乾惕卒使鼎湖泣于賊孽椒殿傾于賊烽  
其故何歟良由頽年以來是非混淆士大夫精神智  
慮未嘗爲君民勤恤爲職掌究圖極其末流乃至漠

視主上如胡越之瘠肥委身寇仇若秦楚之朝暮豈  
不痛哉今者吾皇中興百爾在位自當洗心滌慮事  
我一人有能匡弼吾君者則登之不然如鷗逐雀勿  
疑也有能與麗斯民者則庸之不然爲苗剪莠勿後  
也有能殫心職業者則陟之不然校官秘政便文自  
營勿貸也毋以體骨不媚遠耿介特立之人毋以恫  
幅無華失專心向公之士毋喜聞聲之浮慕援助之  
寔繁濫收趨勢游利之宵類毋因一事之快心片言  
之順意悞用呈身換面之儉流除克雪恥端有賴矣

中陳七款一曰辨人才二曰課職業三曰敦寅恭四  
曰勵廉恥五曰核名實六曰納忠黨七曰破情面語  
多可採皆說切時宰當國者心惡之馬士英阮大鍼  
比謀欲盡殺東林諸臣安遠侯柳祚昌遂應募上疏  
糾公中云詞臣徐汧東林渠魁復社護法朝服朝冠  
謁見他藩於京口別圖擁戴弁率及張采華允誠楊  
廷樞顧杲等請賜逮問公知大鍼不能容遂先幾告  
歸乙酉五月南京失守公卽僑居城外已而兵至蘇  
州公聞湖中舉事喟然曰義非不正其如力何聞六



月十一日 公泛小舟至虎丘後溪投水死之  
公凋儻魁梧道氣盎溢爲人峭直不與時狇傳物洽  
聞好引掖後進與人言必歸忠孝識者以爲有大臣  
風度云長子枋中壬午舉人甘貧樂道公歿後足不  
入城市次子柯有文名

論曰昌致之盛屈指吳門賢士大夫必推周忠介文  
文肅姚文毅晚近以來惟徐官詹勿齋與李侍御灌  
谿阮先生皆以純修粹學實爲斯道宗盟至其敢言  
直諫論者比于漢之汲黯唐之魏徵顧官詹以觸奸

夜讀畧乘

卷二

四

二集

旅里侍御以劾璫罷官及乎國變類仍官詹慷慨投  
淵從靈均于地下侍御遺跡空門餐松摘蕨證性明  
心叅究末後一着豈非有大過人者乎嗚呼商周之  
際一去一奴一死千古稱爲三仁余謂若兩先生者  
事雖异而心實同皆所謂量其力者也有志而不量  
力謂獨患無身思得當以報往往其志不讐身名兩  
敗可勝嘆與予少授經于兩先生故因官詹而并紀  
侍御以見兩師之合志同方有如此

公名元颺字爾賡慈谿人南太僕寺卿若愚之子兵部尚書元颺兄也弱冠學成太僕命司馬師焉司馬先公六年成進士銜厲名行正直是與海內稱兩馮君天子亦知之公舉崇禎元年進士授工部都水司主事中人張彞憲管理戶工二部請屬其郎官公抗疏力爭謂內臣別立公署不得踞兩部之堂兩部臣不得叅謁內臣犯交結之禁部臣錢糧有弊聽內臣糾劾不得越俎薦舉公監督長德二陵橋梁洗手受

事上贏金四萬有奇彞憲毛舉中公無所得恨甚佯墮馬傷足請告歸三年起禮部儀制司郎中出爲湖廣布政司叅議備兵蘇松九年秋畿南有警首率吳兵入衛抵濟寧奉詔班師加銜爲福建提學副使烏程借文社鉤黨剪除江南名士公覆疏請解其禁勿蹈東京芾箚覆轍坐鑄秩降山東益運判官十一年濟寧告急攝兵備城守有功并擊殺高奄部兵乘間肆掠者數十人奄怒令人責取不用援兵甘結公卽書與之一方賴以安兵退公疏請誅奄以謝燕趙齊

魯冤鬼不報未幾由天津兵備擢巡撫都察院右僉  
都御史嘗力陳寇在門庭南北多梗宜䟽通布置防  
患未然當事不省洎京城陷賊分兵徇畿輔道臣翻  
兵引賊公突圍而南以圖興復比及家精骨消亡聲  
氣酸咽搥床拊膺願得一死以從懷帝距禹成五閱  
月耳公直心強志諸練吏事所至薙劇盜按貪猾句  
稽錢糧均平賦役皆鑿可副名實又以中外多事  
備禦闔葺蒐軍實養士氣通輕俠拭癥類蒼頭廬兒  
廢弁退卒呵摩爬搔以奠一割之用人皆望而歸之

洛禎野乘

卷二

六

二集

自謂立身天地間只有一君一父只有一心一胆常  
拚此七尺軀爲宇內撐拄倫紀係全善類慈璫柄相  
視之若免當身程起牢修之獄逮錢公謙益事下所  
司案問會公左官當去公掀髯笑曰彼所以急鋤我  
者欲曲殺虞山而先剪其翼也我一日在事普當窮  
究此獄三寸管在我三尺法在我闔門百口在我彼  
其如我何於是登堂視事懸磬鼓召介衆引繩切墨  
手定爰書獄成而後去天子爲之感悟尸奸人于市  
而烏程亦先引去同文之獄少緩矣生平勇于爲善

怯于進取。醜於道義。淡於聲利。居官不取一錢。而飢寒待衣食。臨事不假嘖笑。而吹噓徧枯朽。與司馬篤友愛。兩家兒女。更衣并食。身任主伯。綜理家政。司馬一無所與。司馬之夫人一針一縷。必取之丘嫂。公卒。司馬曰。兄死。吾無歸矣。哭踊卧地上。不復歸內寢。越七日不起。易簣含歛。皆在公柩前。嗚呼難哉。公卒于崇禎甲申九月初十日。得年五十有九。史官錢謙益誌其墓。

論曰。予聞諸虞山先生云。崇禎末年。大命中圯。公忠

啓禎野乘

卷二

七

二集

謀國之臣。排大疑。建大議者二人。曰總憲李公津撫馮公。李公密疏請上堅守以衛九廟。倣先朝故事。命太子監國。南京分封二王。江淞以壯藩翰。上袖其疏。累日咨嗟太息。羣臣請遷者。蜂起沸騰。上怒。并寢李公議。而馮公之在津門。方移疾候代。事急。遣其子愷章飛章入奏。京城單虛。職守一無所恃。臣謹具海舡二百艘。率勁卒千人。身抵通郊。候駕旦夕。南幸三月七日。愷章匍匐入都。閣部諸公。鈐柝沈沈。閣門晝扃。久之。次第引見。大司農倪公曰。上決計固守。疏必不

省內閣范方二公曰。津撫方用截餉切責。安得自遂。死愷章徬徨七日。飲泣出關門四日。而京城陷。嗟乎。李公非膠柱死守也。以爲六飛萬乘。不當暫試一擲。監國撫軍。以撫軍係天下之望。此經權並用之策也。假令知津舟早戒。航海無虞。痛哭叩閣。請急南下。卽不狀臨遣分封。可以立決。天下事尚可爲也。倉皇奏報。倚閣部爲喉舌。羣公拱揖緩步。拘牽文墨。裂裳裹膝之使。倚牆鶴立。而無所控告。此則天不悔禍。有鬼神關隔其中。非人謀所能及也。後之論世者。其尚徵此也夫。

啓禎野乘

卷二

八

二集

公名士柔字仲嘉號石門常熟人少穎異搢筆爲文  
奇怪涌出家貧甚焚膏繼晷發憤讀書成天啓壬戌  
進士選翰林院庶吉士甲子授簡討持節封楚藩丁  
外艱崇禎戊辰服除纂脩神熹二廟實錄陞侍講兼  
經筵講官辛未分考會試癸酉陞右春坊中允歷陞  
諭德左春坊庶子掌坊凡四年而有南京祭酒之命  
戊寅坐揆誥文越職降調辛巳補尚寶司丞壬午三  
月遷少卿以疾卒於位公爲諸生邑令楊忠烈公錫

啓禎野乘

卷二

九

二集

山高忠憲公以國士期許二公忤奄死公方居憂中  
夜呼憤涕泣苦塊懷宗誅逆表忠渙汗大號公當官  
奮筆一日草數制發揚蹈厲感盪震越朝右欣忭繼  
以流涕闔僉媪醜莫不睜眦廢精亡魄部黨之目定  
矣烏程攘枚卜逐錢公謙益鋸牙岐舌頭角鬻倪  
公元璐歎曰文華殿爲同文館矣公昌言于朝閣訟  
是非較朕安能將一手掩天下目言路攻烏程章無  
虛日烏程疑二公倡導而尤以鄉曲忌公甲戌官宮  
諭上帝王世系二疏而公益危矣先是羣奸嫉逆賢

定三案刊布要典改修光宗實錄鑿削其與要典牴牾者倪公請毀天下遺之久之改錄如故要典猶弗焚也于是文公震孟及公相繼論改錄之謬文公請刊定改錄所筆者而公則摘抉改錄所削者公初疏曰臣備員纂修恭閱皇考實錄總紀于世系獨畧皇○上○娠○教○之○年○聖○誕○之○日○不○書○命○名○之○典○潛○邸○之○號○不○書○聖○母○出○何○氏○族○受○何○封○號○不○書○凡○此○皆○原○錄○所○備○載○而○改○錄○故○削○者○也○原○錄○之○成○在○皇○上○潛○邸○之○日○而○詳○慎○如○此○改○錄○之○進○在○皇○上○御○極○之○初○而○草○畧○如○彼○

啓願野乘

卷二

十

二集

此大經大法所在不可不亟正也疏上奉旨謂累朝成例不必滋煩烏程復令中書官捧穆廟總記以抵公公具揭爭曰皇考實錄與列聖條例不同列聖在位多歷年所登極後事皆用編年排纂則總記可以不書皇考在位一月登選三后誕育聖嗣皆在未登極之先不書之摠記而誰書也穆廟大婚之禮皇子之生在嘉靖中故總記不載母后之姓氏封號皇子之出震承軋寶冊金書輝映天地編年未嘗不具載者也皇考一月易代載冊熹廟儀注而皇上之冊立

闕焉可乎烏程怒攘臂揭忝同官扼之而止公復抗  
疏言累朝實錄無以不書世系爲成例者臣所以摘  
挾改錄政謂與累朝成例不合也孝端顯皇后皇考  
之嫡母也原錄具書保護之功而改錄削之者何也  
分莫尊于正嫡功莫大于保聖國本幾危于震虢天  
心幸託諸坤寧當日調護之苦心真千古孝慈之極  
則宗廟賴燕翼之慶誕發于本支而史臣抑顧復之  
勞抹殺于寸管此尤天理人心不容終泯者也疏上  
仍用前旨報聞而烏程噬公益不可解矣嗚呼三朝

啓禎野乘

卷二

七

二集

之事根柢宮掖下窮私燕上及山陵天啓初高陽孫  
文正上言皇上如信臣爲帷幄近臣俾直陳先帝危  
難舊事臣得引諸輔臣爲證一一爲皇上剖明之由  
此言之卽漢世掖庭所謂奈何令長信得聞者終未  
嘗不流布人間其可掩乎羣小之改實錄也護要典  
也當壁之憂危伏蒲之諫諍以迨于選婚誕嗣一切  
彙典皆歿而不錄以爲必如是則椒塗之城塹日堅  
汗青之罅隙盡杜人主習其讀而問其傳茫昧如爛  
紙故牘無可覽觀何從撥煨燼于蕉園埋蛸蚪于汲



冢遂使宮隣金虎皆得坐保百歲之安而禁近銅龍  
無復通知累朝之故公之論改錄也不爭于筆而爭  
于削兩疏之末追誦孝端則已直發其機牙而窮究  
其病穴識者嘆公之更事深奮筆勇憂國遠慮比肩  
高陽而惜人主之不見省也烏程鋤异已益急懸金  
購私人詆謀諸賢逐會稽斥茂苑公復昌言于朝如  
閣訟時烏程語淄川曰虞山茂苑二烏也有大小翻  
在將怒飛吾儕能安寢乎遂合謀出公于南烏程去  
淄川以誥詞發難逐公司業周文節公鳳翔爲公抗

疏辨曰詞林故事閣臣分派撰文或手加詳定或發  
回改撰未有竟自糾叅者也誥勅用寶歲有常期未  
有十年之後用寶進呈吹求當制者也贈誥專屬中  
書崇禎三年申飭事例未有追論元年之史官詆爲  
越俎者也高攀龍純忠正學忤奄沈淵皇上剪逆褒  
忠光施天壤一旦毛舉細故舞文反汗褒貶不錯貸  
是非不兩立今之贈卹爲非則昔之削奪爲是忠良  
色沮于一字奸逆手笑于九原此非所以厲當今示  
後世也疏雖寢不報公論大白久之稍遷尚寶司丞

公病矣。主憂國。慮不敢引例待遷。乃力疾赴闕。病旋作。尋拜少卿。甫十日。遽不起。時爲壬午三月三日。得年五十有六。公爲人忠信易直。光明雄駿。事親交友。咸有至性。痛其父不及養。卜地封壤。必誠必信。與人交。握手出肺肝。急難讓夷。先人後己。當錢公被急徵。烏程方布羅網。公焦頭濡首。上告下訴。奸人遂飛章。訐公先帝逐烏程。尸奸人於帀禍。始得解。公嘗謂讀書當官。須緩急有用。耻爲大冠側注。拱揖矩步。祈土龍。以致雨者。曾頒詔之陪京。大奄運皇木。梗河道。忝

啓禎野乘

卷二

十三

二集

隨鳴張礮石交下。公命設龍亭樹旗節。朝衣危立。鶴首趨傳呼。某太監朝駕奄。逡巡詣駕前。扱衣扣頭。候詔使舟行乃去。見公應變方畧。惜乎其無所試也。甲申二月。子琪請闕白。寬詔復原官。贈詹事府詹事。次子瑤復歷官。本朝方岳孫世忠。能世其業。

論曰。館選之盛。莫過壬戌。若倪會稽。黃漳浦。與先生。蓋鼎足而三矣。倪以烏程逐。黃以韓城戍。而公則爲涓川罷。賢人之不得安其位如此。其亦天未欲平治

天下耶。

鄭太宰傳

公名三俊字玄嶽建德人中萬曆二十六年進士授元氏知縣調繁真定有異政三十二年陞南京禮部主事遷郎中三十七年出爲歸德知府歷副使叅政天啓元年内轉光祿寺少卿時移宮議起公侃持正責舊輔方從哲二年陞太常少卿三年陞左副都御史四年陞戶部右侍郎以魏瑞忠賢不法公隨楊忠烈後抗疏論其罪狀不報吏部員外徐大相以請表薛蕙奉旨降謫蕙固武宗朝諫止南巡者公上言

啓禎野乘

卷二

十四

二集

大相之官縱可不復而薛蕙之贈不可不給蓋其事若迂遠而實關於綱常名教之重如以爲濫則今日文武之官爵濫大臣之恩廕濫邊臣之世職濫啓事之薦舉濫銓部之冠帶上卯濫樞部之添兵糜餉濫咨劄濫部寺厥局之錢糧濫而緊要諸司請托居間之風亦濫宜何如嚴汰若大相清執素著反以濫譴不平莫甚尋告病去削職爲民崇禎改元卽家起南京戶部尚書疏言內遣不宜四出累遷刑部尚書加太子少保十一年以擬獄不當上意詔革職下獄十

五年起原官移吏部尚書十六年復以誤薦用吏部  
郎吳昌時罷歸南京立吏部尚書張慎言以人望特  
薦公而柄國者不容諱言四起事遂寢大學士高弘  
圖姜曰廣其言三俊五朝人望終不可不用不省公  
正直忠厚清廉端恪一生風力屢挫奸鋒四壁蕭然  
素標清骨當爲大司農時力叅不職司官精釐錢粮  
蠹窟蒙上睿知天語褒嘉迨六年攷滿人皆以得進  
勛階爲榮公獨以未奏安懷爲愧乞身再四遂巡拜  
命其得罪也會奉清理刑獄之旨指滯釋寃雅符德

意絕非有朋比蒙蔽之弊也生平好學倡道江北躬  
耕自養與舊憲臣鄒元標劉宗周齊名出處介然門  
庭朴謹仕宦四十年未嘗受人一茗一縷身爲一品  
僅僅敝衣一篋至煙爨不繼下理之日奸胥蠹役  
酌酒相■羔羊素絲之風尚可想見鼎革後卒

論曰先生領袖東林清心若水勁節如山人無間言  
後以薦用吳儀部遂來多口狀先生豈有私于其間  
哉祇因聲氣二字破格拔濯其過固有可原者也直

與山陰吉水並垂千古矣



兩及誅大盜吳思愼等庚午報命奉勅賑撫延綏飢民人沾實惠事竣奉命按陝極言招撫大誤甲戌陞山西巡撫賊首活地草鄉里人顯地神等以次撲滅上遣內員督開礦并稅間架並力諫止巡按御史張孫振誣叅提學僉事袁繼成公特疏糾孫振大貪提問革職人心大快戊寅擢兵部右侍郎改戎政協理京營壬午枚卜入閣辦事救黃道周復其官上廷杖諫臣姜埰熊開元及處摠憲劉宗周並爲疏救癸未詔公往督師湖廣討賊公奏言臣受國恩何敢惜死但須發勁兵假便宜狀後可滅此朝食時候唐通兵不能時至以故遲行遂大忤上意命公仍入閣佐理尋予致仕亡何湖廣武昌破上震怒復遣緹騎逮公至京擬戍金齒衛南都立吏尚書張愼言疏薦公及鄭公三俊命赦公罪陛見而勸臣劉孔昭趙之龍皆怒愼言羣詬於庭致目爲朋黨奸欺聲徹殿陛閣臣高弘圖解之乃退尋爲御史張孫振黃耳鬲連疏糾劾不得起用鼎革後閉戶讀書不聞外事卒于家

論曰先生持斧建牙聲望茂著迨入綸扉止因奉命

討賊遲々其行迷蒙嚴譴狀其罪有可原蓋實見當時將悍兵驕不受節制與得練成勁旅爲天子紓西顧之憂何勲臣不諒羣肆譏彈也公嘗自序疏稿有云明室孤臣只欠一死洵疊山以後一人也哉

夜頑野乘

卷二

大

二集

左寧南傳

公名良玉字崑山遼東人也少起軍校以斬級功官  
遼東都司苦貧嘗挾弓矢射生一日見道旁駝橐馳  
馬劫取之乃錦州軍裝也坐法當斬適有丘磊者與  
同犯願獨任公得免死既失官久之無聊乃走昌平  
軍門求事侯公恂侯公嘗役使之命以行酒冬至讌  
上陵朝官公疲大醉失四金卮旦日謁侯公請罪侯  
公曰若七尺軀豈任典客哉吾向誤若非若罪也會  
大凌河圍急詔下昌平軍赴救摠兵尤世威今既以

洛禎野乘

卷二

九

二集

護陵不可侯公且遣將商之世威世威曰獨左良玉  
可耳顧良玉方爲走卒奈何帥諸將侯公曰良玉誠  
任此吾獨不能重良玉乎卽夜遣世威前諭意漏下  
四鼓侯公詣公邸舍面請詰旦會轅門大集諸將以  
金三千兩送公行賜之卮酒三令箭一曰三卮酒者  
以三軍屬將軍也令箭如吾自行諸將士勉聽左將  
軍命左將軍今已爲副將軍位諸將上吾卽夜拜疏  
矣公旣出而以首叩轅門墀下曰此行倘不建功當  
自刎其頸已而果連戰松山杏山下錄捷功第一遂



爲總兵官。公自起謫校。至總兵。首尾僅歲餘。年三十。二長身赤面。驍勇善爲左右射。每身先士卒。當秦寇入豫。命公往勦。盡平大賊。一斗殺蝎子塊。滿天星等。最後戰懷慶。與督撫不合。乃歎曰。吾卽盡賊。安所見功乎。遂陰縱之。寇患始大。熊文燦者。繼爲督。嘗受賊金而脫其圍。公尤輕之。至楊嗣昌。以閣部出視師。倚公不啻左右手。九調而九不至。嗣昌快。死。丁啓睿代督師。則往來依違于其間。爲良玉調遣文書。未始自出一令。時人謂之左府幕客。然公立功最早。威名

重一時。強兵勁馬。皆在部下。流賊憚之。呼爲左爺。三過商丘。必令其下曰。吾恩府家在此。敢有擾及草木者。斬入城。謁太常公執蒲拜伏。如家人禮。其謙抑如此。朝廷乃以侯公代啓睿。公大喜。率兵五千來迎。旣而中變。命侯公距河。援汴無赴左軍。未幾中蜚語。以呂大器代公。愠曰。朝廷若早用侯公。良玉敢不盡死。今以呂公代。是疑我而欲圖之也。自此意益離。遂往來江楚。爲自豎計。盡取諸盜艇之泊江者。而掠其財。賊帥惠登相等皆附之。軍益強。朝議爲調和計。封

公寧南侯。而以其子夢庚爲總兵官。公卒不爲用。燕京陷。江南立。屢加公太子太傅。子錦衣世襲。初弘光之立也。公先不拜詔。江督袁公繼咸力言倫敘之正。乃開讀如禮。屬太監何志孔。巡按御史黃澍。以賀澍。陛見而數馬士英罪。連上十疏。士英謂澍爲黨人。主使牽引左鎮。要挾皇上。不可不誅。澍因此逮問。公部下羣譁。欲下南京。索餉保救。澍士英無奈。批免逮。乃已。時黨禍將興。公疏言朝廷之上。未見兵。何如強財。何如理。惟曰門戶。曰三案。曰要典。昔孔子作春秋。而亂臣賊子懼。先帝焚要典。而亂臣賊子亦懼。人是其言未幾。而僞太子事起。喧傳楚地。共以爲眞。公疏言此事未可決於二三左右。應決於國人。天下使太子不失王封。皇上不失至德。群臣不失忠蓋等語。及再疏。至乃云。束身赴闕。代太子受罪。雖下訊詞。以示疑。自若也。適發錦衣衛刑鞫。士英必欲窮詰之。閩之楚狀大獄將起。天下疑駭。公遂焚武昌。舉兵東下。欲清君側。奸疏列馬士英罪狀。言自先帝之變。士英利災擅權。事事爲難。逆案先帝手定。士英首翻之。要典先

帝手焚士英復修之罪一某以貪罪遣戍不一年立陞部堂某以脏污絞犯不數月夤緣僕少某某與某某同詔論罪借起廢徑復原官他如某某等叛逆皆用之當路罪一已爲首輔用腹心阮大鍼爲添註尚書又募死士伏皇城詭名禁軍動曰廢立由我罪一陛下卽位之初恭儉仁明士英百計誑惑進優僮艷女傷損盛德罪一引用大鍼睚眦殺人如雷續祚周鏹煨煉周內株連蔓引尤其甚者借三案爲題將生平不快意之人一網打盡令天下士民重足解體罪

一目今皇太子授受分明士英大鍼一手拏定抹殺的確識認之方拱乾而信朋謀之某某恐以十七年嗣君付諸幽囚凡有血氣皆欲寸磔士英大鍼等以謝先帝此非臣私言諸將士言亦天下忠臣義士思夫愚婦之公言也又言臣已提師在道恐百萬之衆發而難收震驚宮闕伏乞陛下雷霆斷立肆市朝傳首捫憤又出徵討士英沿途張示云奉太子密旨率師赴救三月破建德破安慶池州等處舟楫連二百里火光燭天南京大恐士英盡撤諸路兵往禦淮揚全

虛公抵九江病死。衆奉于夢庚爲帥，急移舟東而英。王尾其後，夢庚以其軍降。初，允世威爲總兵，時往謁。薊遼督府曹文衡、文衡尊嚴不少假，更謁侯公。侯公諭令勿長跪，相見如弟子禮。世威感悅，願效死。後侯公行邊至黃花鎮，遇火炮災，侯公壓于敵樓下，背上積二十二死人。世威震而什五里外，尋起立，卒不肯去號，而呼求侯公。復至敵樓，適有電光照見侯公。世威乃趨而抱之，以手起其二十二死人者，火及冠脫，冠及袍脫，袍遂燒其鬚及左耳。世威堅不動，竟袒而負侯公以出行四十里，抵于山下。邊人謂之尤半耳。云：丘磊者，旣坐斬，繫刑部獄十三年，公每一歲捐萬金救之，得不死。卒受知侯公，後爲山東總兵官，見殺。論曰：余不識左將軍，聞將軍目不知書，性通曉，解文義，勇略亞於黔彭，惜遭權奸，將興大獄，不得已舉兵。東下，予嘗序遺聞，有云：左將軍迅掃群奸，而稱爲叛。錢牧齋先生深旨，予言嗚呼！知人論世，如先生者，夫豈阿私所好哉！

公名開遠號谷靈臨川人顯祖次子萬曆乙卯舉鄉試崇禎間授懷慶府推官未之任抗疏論朝廷刑罰失實謂皇上亟于求治諸臣救過不給臨御以來明罰勅法自小臣以至大臣爲衆推舉或自簡拔無論爲過爲誤俱褫奪配戍不少貸甚者下獄考訊幾于亂國用重典矣皇上或以薦舉不當疑其黨徇四岳不薦鯨乎績用弗成初未併四岳殛之也皇上又以執奏不移疑其藐抗漢廷不從廷尉之請乎亦以張

啓禎野乘

卷二

三

二集

釋之曰法如是止耳不聞責其逆命也皇上以策勵望諸臣于是多戴罪夫不開以立功之路而僅戴罪戴罪無已時矣皇上以詳慎望諸臣于是有認罪夫不晰其認罪之心而槩以免究認罪亦成故套矣侵糧欺餉之墨吏逮之宜也恐夷由之侶不皆韓范宜稍寬之不以清吏訕能臣今諸臣怵于叅罰之嚴一切加汎帶征餘征行無民矣民窮則易與爲亂皇上寬一分在臣子卽寬一分在民生尤望宮府之際推諸臣以心進退之間與諸臣以禮錦衣禁獄非有寇

賊奸宄不可入而謂大小臣工不圖報稱奏績安懷  
未之有也。疏入詔下法司命回奏公卽條分以上據  
事援理不震不懾尋釋之。復抗疏論輔導東宮當以  
身教爲先得俞旨俾赴任。時流寇蹂中原尺寸無寧  
土旣調河南府推官監軍勦寇公調兵堵截單騎馳  
勦戴星冒霜况瘁不惜超擢安廬道巡歷形勢協贊  
機密史公可法倚以辦寇未幾會推河南巡撫命甫  
下卒于官識者傷之後祀名宦

啓禎野乘

卷二

十五

二集

耳顧乃屢䟽陳容櫻鱗折檻此豈容頭過身者所敢  
望乎旣調監軍躬親矢石與左寧南分道勦賊不以  
文臣稍啻退避又何其胆壯而才裕也卒以勞歿不  
竟大用惜哉

事與里不靈不謂尋報之莫持龍翰華東宮當以  
未之有也。疏入詔下法司命回奏公卽條分以上據  
事援理不震不懾尋釋之。復抗疏論輔導東宮當以  
身教爲先得俞旨俾赴任。時流寇蹂中原尺寸無寧  
土旣調河南府推官監軍勦寇公調兵堵截單騎馳  
勦戴星冒霜况瘁不惜超擢安廬道巡歷形勢協贊  
機密史公可法倚以辦寇未幾會推河南巡撫命甫  
下卒于官識者傷之後祀名宦

唐御史傳

公名爾選字

江西樂安人父啓濤樂善好施行

有坊表公舉崇禎辛未進士授太常寺博士擢廣東道御史巡視十庫時上方行不測恩威政府覘知故令武舉陳啓新上獨違時尚一疏大指則極詆進士之橫縣令之貪至發憤于腐爛蕪儒欲并科目廢之專舉孝廉行漢法跪於午門奏進大當上意徑授吏科給事中舉朝側目莫敢訟言公疏謂高皇設立制科垂三百年從無廢弛名卿碩輔盡出其中士何嘗

啓禎野乘

卷二

二十六

二集

負國乎若謂科目皆賢固屬偏辭謂皆不肖豈爲公論乎卽謂知推有不肖誠爲確論謂盡無賢人寧非誣構乎皇上宜召九卿科道令啓新覲面敷陳罄其底蘊使廷臣見其言論丰采果有他長然後授職俾天下咸知特恩本不偶然若遽蒙恩拔置掖垣非所以重名器別是非未又切責吏部尚書謝陞大學士溫體仁不加駁正尸素可愧未幾武生李璉疏請搜括巨室助餉閣臣錢士升惡之擬下法司奉旨發改士升持益力上切責其沽名士升引咎回藉公又疏

言輔臣之去明乎以黑擬去以執爭去也夫大臣所以不肯言者其原在不肯去耳今輔臣肯言矣肯去矣隱以去就悟明王顯以氣節風百僚皇上不卽嘉許而反疑要譽耶且天下之疑上者不少將卒驕懦口甚聖明恩禮過隆則疑過於右武穿札與操觚並課人見絀德而尚力則疑緩於敷文免覲說行或疑朝宗大義不值數萬路費之金錢駁問日煩或疑平反刑書不當加等之紛亂其君子憂驅策之無當其小人惧陷罪之多門明知一切苟且之政或拊心

啓禎野乘

卷二

五

二集

愧恨或對衆歎歎種種隱情有難殫述上怒甚特御門召府部大臣六科十三道并公來武英殿召對上詰責公聲色甚厲公從容對曰臣所言祖訓尚不止此因述列朝聖政四十餘條上變色起立左右閣臣皆戰慄公侃侃不少遜上益怒卒無以難乃摘疏中句字問如何爲苟且公對曰卽捐助一事亦苟且也反覆數百言上罪以指斥無奏對體命官校拿下公大聲曰臣死不足惜皇上幸聽臣言事尚可爲卽不聽臣言亦可留爲他日之思會閣臣以下極力申救



得免死削職歸南都以原官起不赴生平敦孝友講  
仁讓矜廉介其繕城却寇清丈均賦施粥賑飢尤爲  
鄉人倚賴云

論曰崇禎帝求言若渴本期宣幽燭隱而宵人于進  
上書言事者比比陳啓新之後又繼以李璡所謂讒  
說殄行震驚朕師不容於堯舜之世者也讀詹公兩  
疏雖漢汲黯唐魏徵曷以過焉

啓禎野乘

卷二

三

二第

公名勇號寶慈樂安人天啓五年進士除饒州府推官丁憂起補開封擒巨猾捍強寇忤逆璫執法如山清風絕塵考選南吏部主事尋改山西道御史南都故豐鎬地歲久法弛獄訟繁興贖鍰濫酷諸曹郎一日或受數詞一詞或連數人一人或費數百金或費數千金而訟師積棍窟穴其中魚肉愚氓公至卽上疏請定爲例凡部屬不許擅受民詞卽有事非得已非奉通政司狀不准諸司肅然民困少甦自奉儉約

布衣蔬食有貧士所不能甘者忘其身爲貴人不濫准一詞不輕批一贖不肯受屬員一蔬一果祭紳悍吏素稱蠹賊者公鐵面冰心不少假貸日與士民講聖諭六條有父子兄弟之訟輒以孝友至性委曲開導至涕泣去時樞輔楊嗣昌奪情公抗疏言倫常萬古爲重嗣昌不知有親并不知有君唐虞三代無奪情起復之事臣竊爲青史慮上怒革職提問被逮之日士民號呼泣送者萬計至百里不止又同聲請于左都張瑋之門願還我成御史惠此邦人公至京下

詔獄遣戍尋赦歸里廷臣交章薦其清廉應予擢用  
尋遘國變戍戍春卒公赤嶺丹輔目光炯炯射人如  
電生平最景行者鄒忠介元標劉總憲宗周而于奸  
相慙瑞嫉之如仇鼎革以後杜戶養高不與一事不  
見一客卽奉 旨起廢郡邑長吏躬爲勸駕堅臥弗  
應也蓋其嚴氣正性百折不回如此

論曰吾友虞廷謨每言成公治行與其風節蓋不勝  
高山仰止之思矣及鮑鐵崖先生筮仕樂安登堂請  
見公拒不納未幾鮑中蜚語幾罹不測公稔知令實  
賢爲破十六年削迹公庭之戒主持公論垂手方援  
殷勤款洽視昔倍至卽此可以見公之品槩而亦以  
徵鮑公之尊賢敬老迥出尋常萬萬也鮑名鳳仞丁  
亥進士吾邑紳之廉正有聲者

尋戮國變史丸春卒公赤嶺丹輔目光炯炯射人如  
電生平最景行者鄒忠介元標劉總憲宗周而于奸  
相慙瑞嫉之如仇鼎革以後杜戶養高不與一事不  
見一客卽奉 旨起廢郡邑長吏躬爲勸駕堅臥弗  
應也蓋其嚴氣正性百折不回如此

周公名鑣字仲馭金壇人雷公名績祚字介公桐城人周公中崇禎戊辰進士雷公中崇禎庚午舉人兩公先後立朝務持大議不肯隨俗浮沉周公官南禮部嘗疏請卹建文諸忠又疏請止內遣言內臣一日不撤侍一日有以裁抑之耳今則不然黃衣有柄白簡無光但見因內臣而疑廷臣者縷縷矣因廷臣而疑內臣無厭焉如張彝憲用而高弘圖之鯁終不可容矣金鉉之抗節初雖僥免究以他事中之矣迄有

孫肇興之直犯寬鋒而亦岌岌不可保矣又如王坤用而魏呈潤以救胡良機處矣趙東曦以直糾扶同處矣鄧希韶用而曹文衡以互詰竟投閑矣王弘祖以禮數未周斥矣近有馮師孔之守義不屈亦禍機不測矣若夫李日輔之激直而處熊開元之慷慨首發而究竟亦處更未能指數矣尤可嘆者每讀邸報強半屬內侍之溫綸從此以往鍛鍊臣子委棄天言祇以徇中貴之心臣將不知所極矣疏入降三級調外用尋起員外雷公官山東武德道兵備僉事疏叅



公名同升字晉卿號孝則吉水人崇禎丁丑進士廷  
試第一人授翰林院修撰時樞輔楊嗣昌奪情入閣  
公抗疏上言大畧云中國所以爲四彝觀望者頗有  
倫○紀○以○爲○之○維○也○是○謂○大○經○原○本○大○經○變○通○其○制○使  
倫○紀○之○立○萬○世○勿○墜○是○謂○大○權○夫○權○者○權○乎○其○經○未  
有○離○經○而○言○權○者○也○是○故○孝○子○有○終○身○之○喪○而○聖○人  
制○三○年○之○禮○今○皇○上○簡○用○嗣○昌○聖○明○或○不○得○已○而○都  
門○喧○傳○謂○嗣○昌○纒○絰○在○身○姓○名○不○解○非○若○軍○旅○可○以

夜讀野乘

卷二

三

二集

凶○事○行○之○也○臣○意○嗣○昌○亦○猶○人○子○良○心○不○沒○必○且○哀  
痛○劍○恒○上○告○君○父○辭○免○綸○扉○庶○幾○善○承○聖○意○曲○盡○輿  
情○何○乃○循○例○再○疏○服○緋○到○任○接○禮○滅○親○垂○之○史○冊○萬  
世○唾○晉○傳○之○邊○徼○四○裔○竊○笑○以○謂○國○家○之○人○如○此○大  
臣○自○處○如○彼○何○以○彈○壓○瓊○裘○之○長○折○服○冠○帶○之○倫○哉  
夫○人○有○所○不○忍○而○後○能○及○其○所○忍○有○所○不○爲○而○後○可  
以○有○爲○臣○於○嗣○昌○竊○覘○其○心○失○而○智○短○也○夫○成○天○下  
之○事○在○乎○志○勝○天○下○之○任○在○乎○氣○志○敗○氣○餒○鬼○神○矚  
之○必○有○非○恒○之○災○動○乎○四○體○病○則○爲○在○魄○已○先○奪○如

此其人卽欲有所用於天下而必不能有所用於天下明矣嗟乎嗣昌兼樞部以重綸扉之權借綸扉爲解樞部之漸旣不可以爲臣又不可以爲子昔李賢奪情人望頓失張居正奪情身名不終夫物未有本實先撥而傾折不隨之者也豈非志敗氣餒已事之明證哉疏入降福建按察司知事南京立起翰林院侍講未赴國變後里居兵起城破被執不屈死之同時與公建言者又有趙士春字前之常熟人丁丑進士廷試第三人除編修亦上疏請扶名教講儲才言

敬頑野乘

卷二

五

二集

樞臣楊嗣昌墨纒蒞事簡入綸扉使嗣昌而猶有人心者當念代言非金革之比累朝有糾正之條聖經賢訓昭布森嚴自應力辭新命矢報中樞乃儼然服緋到任臣于是歎嗣昌之胸無天倫日無清議而忍心害理一至此也伏誦聖祖六諭必先父母皇上初政首闡孝經在闔巷猶徵教以人倫豈端揆可先容其掃棄臣又考之祖訓國初陞六部尚書正二品以中書之事分隸之是今之尚書猶宰相也景廟之朝于謙孝廟之朝劉大夏倚毗親切未嘗以東閣處之

蓋以六卿之職展布有餘名位未嘗不足故也今卽使嗣昌果才司馬之堂儘堪報効何況紙上勤撫無救民生局中款賞坐傷國體業於封疆無補豈云幾務可叅將來幾務爲重必反謂封疆可卸徒以掣縈之計遂其卸擔之謀旣無以責嗣昌之成功又無以作滿朝之忠孝臣所謂不如還樞臣之職以維名教者此也然臣更有進者我皇上軫念時艱破格用人奪情起復實繇人才缺少之故然臣以爲天下未嘗無才皆向來大臣不肯實心講求之過也今時事最

敬禎野乘

卷二

三六

二集

急無過兵餉屈指中外但得數十人而天下之事集矣督撫者治兵之人也得其人以聽之本兵則鎮戍道將可次第問也布政使者理財之人也得其人以聽之司農則屯鹽鼓鑄可覈實舉也凡此數十人者其始莫若責之大寮之保舉倣古周官六計分其科目而辨論之如所謂廉而辨者理財之選明而決者治兵之選嘗使所儲之才多於所供之職又安用此綴經之夫宣勞王事乎於是明著令甲永禁奪情豈非大聖人立法超出尋嘗萬萬哉臣所謂亟應講備



才之法以禁奪情者此也疏入並奉嚴旨謫降然其  
正言讜論一時多傳誦云

論曰昔明神廟時張江陵奪情而鄒忠介元標趙文  
毅用賢皆以建言廷杖謫官史冊流傳稱爲佳話今

以不祥之人欲拂拭而試之以觀其成功責  
其後効是猶使無根之樹發幹抽條雖愚者知爲不  
可况劉先生生忠介之鄉而趙太史卽文毅之裔宜  
其慷慨數陳皆正諳明道之言也嗚呼求忠臣必于  
孝子之門觀于先生之死國與  
之死法其優劣  
必有辨之者矣

敬祈野乘

卷二

三

二集



算○貽○禍○至○今○皇○上○之○所○信○在○此○而○借○以○蒙○皇○上○者○亦  
卽○在○此○若○巧○宦○容○容○易○合○何○難○浼○事○件○爲○薦○章○而○正  
人○落○落○難○投○未○免○借○事○件○爲○彈○墨○威○福○不○在○皇○上○而  
爲○此○輩○所○竊○矣○臣○謂○事○件○果○確○不○宜○以○間○間○之○小○察  
而○傷○閒○閒○之○大○智○事○件○易○誣○奈○何○弄○小○人○之○伎○倆○而  
熒○大○聖○之○聰○明○伏○乞○皇○上○幡○然○報○罷○蓋○是○時○邇○卒○四  
出○攫○肉○民○聞○道○路○側○目○人○莫○敢○言○公○獨○自○發○其○奸○同  
官○震○恐○過○問○公○色○不○少○變○再○疏○復○列○其○人○與○事○以○上  
天○子○壯○之○爲○懲○詆○欺○者○京○國○肅○然○稱○神○明○卒○以○抵○扞

啟禎野乘

卷二

五

二集

權○要○借○鉛○案○株○連○坐○公○革○職○歸○優○游○色○養○留○意○書○史  
而○尤○篤○於○憐○才○獎○成○比○比○尋○起○補○應○天○府○簡○較○陞○知  
事○再○遷○掌○醢○署○正○庚○辰○卒○里○人○請○祀○入○鄉○賢○祠○子○煥  
登○順○治○丁○亥○進○士

論○曰○古○稱○諫○官○爲○殿○上○虎○蓋○以○知○無○不○言○言○無○不○盡  
期○無○愧○於○其○官○耳○公○自○拜○命○黃○門○無○一○敢○以○緘○默○取  
容○稽○山○一○出○庶○幾○望○爲○霖○雨○而○奄○然○以○歿○識○者○猶○有  
憾○焉

新樂侯劉公家傳

劉公名文炳字淇筠順天人父效祖以孝純皇太后恩封新樂侯母杜太夫人妻王夫人弟左都督文燿右都督文焰女弟二長歸武清侯子李國瑞以子存善嗣進太夫人次歸恭順侯子吳希彬叔父少保繼祖叔母左夫人崇禎甲申三月十八日闖賊李自成圍京師侯奉命守崇文門上召侯與都尉鞏公永固中左門語秘不得聞十九日昧爽復召侯議調京營兵侯策馬馳至營營潰還報上問護衛軍侯環

啓禎野乘

卷二

四十一

二集

甲○左○右○視○衛○士○駭○走○

上遂入有頃城陷侯躍馬巷

戰○射○輒○中○賊○賊○多○辟○易○旣○聞○賊○入○大○內○急○馳○歸○第○先

是○召○對○日○母○夫○人○度○城○將○陷○呼○侯○及○文○燿○文○焰○登○樓

樓○懸○孝○純○皇○太○后○像○皆○拜○杜○太○夫○人○泣○諭○侯○與○文○燿

曰○爾○無○忘○太○后○恩○努○力○殺○賊○侯○與○文○燿○泣○拜○去○時○侯

祖○母○瀛○國○太○夫○人○年○八○十○匿○老○友○申○湛○狀○家○母○文

炤○手○曰○兒○無○死○善○事○太○夫○人○乃○作○數○十○繯○藉○薪○樓○下

隨○命○老○僕○鄭○平○召○二○女○弟○俱○至○握○手○泣○一○僕○奔○告○曰

賊○入○內○城○矣○侯○妻○王○夫○人○偕○吳○夫○人○文○炤○趨○登○樓○李

太夫次之。杜太夫人既登復下，以二盆抵戶。王夫人偕吳夫人先縊，氣絕。文焯將縊，平推墮樓，曰：「太夫人有命矣。」杜太夫人見季女縊，乃自縊。樓瓦忽震，陰風颯起，縲絕。杜太夫人墜地，復縊。墮者數頭，裂血滯涔。六縊乃死。是時李太夫人就縊，亦墮地者數見。母死以頭觸柱，曰：「母不我待乎？」墜樓臂折齒半落，稍甦。見一僕在旁，曰：「若非某乎？」取條脫付平，曰：「酌汝掖吾登樓，速舉火，蓋九縊而後絕焉。」侯歸見樓焚，投井。忽顧影曰：「戎服也不可以見。」皇帝覓冠服，不得，申湛

狀免已，憤與侯憤，小不可冠。左右曰：「曷不裂憤，憤裂乃冠。」投井死。初，少保公繼祖與侯伯仲，嘗愛坐井旁，汲水飲之。戲曰：「苟急難，當死此城。」陷，少保赴井，歎曰：「吾平日戲言，今死，豈非天哉！」大呼：「皇帝數聲投井，死左夫人先焚死，文燿在外城，馳百里至渾河內城，陷入見闔門焚死，撫膺痛哭曰：「天乎！文燿之不死，以君與母在也。」大書一板置井欄，曰：「左都督劉文燿畢命報國處。」亦投井死。侯死年三十一，一門僕從死者凡四十二人。同時歿戚死難者，又有駙馬都尉鞏永固。

字洪圖大興人聞城破盡取所賜古玩書畫諸物環繞公主殯宮用黃繩縛子女數人于靈前舉火焚死。此後自縊大書世受國恩身不可辱八字于堂贈少師謚貞愍東宮侍衛周鏡大興人母妻一門俱自縊。惠安伯張慶臻號鳳華永城人城陷盡散財物于親戚全家團飲四面積薪閉戶共焚死贈太師謚忠武宣城伯衛時春人合門就縊死。

論曰勲戚之死多不可信蓋爲襲爵地也况主其事者爲吾郡宗伯某乎黃金有靈青史無色矣若新樂

侯諸公死最烈亦死最真平居朝士無不以科目覲勲戚卒之勲戚亦有遠勝科目者苟無諸公不幾寂寂千古耶。

李州守傳

公名學旻字本仁號如衷江西臨川人也幼事伯父  
東明窮肝注性命之學問難相長伯深器重復遊湯  
公顯祖門與宗兄太虛先生號稱李氏雙壁中萬曆  
曆已酉舉人爲郡司李陳公首錄士陳念公貧勿思  
爲膏火計里有訐訟者稔知之常挾重資乞公緩  
頰公不可走匿他所終陳公任語不及私陳公目爲  
畏友其孤介絕塵如此三試春官中副車已就教峽  
江爲祿養地艱歸服除補饒陽饒故鄆補少文公至  
啟頑野乘

卷二

聖

二集

則召諸生講學夜分不寐謂不究極身心性命微旨  
安能勘破富貴利欲關頭倡明絕業士風丕變非其  
道義一介不取未幾有羸博之憂乞歸諸士訴邵邑  
長懇留公不可饒陽路公陞時秉銓政特走使尼行  
謂當以木天相屬公愈不可尋擢國子監學正故事  
無假中遷官者蓋路公雅重公清修介節爲之破格  
旋陞泰州知州泰有太學生陳某者恃貴戚驕橫不  
法偵知公將守泰又性剛方不畏強禦預計所以餌  
之一日來謁手板列海菜數餅門者不能舉蓋中皆

黃白也。公大駭，急却去。已得邸報，果守泰公益駭。甫蒞任，卽首廉得陳窩匿海盜狀，密與強幹判官魯某定計親擒之。發地窖，贓仗無筭。陳固饒于貲，多與援乞緩獄者。竿牘鱗集，公銖面持之，益不可撓。陳卒服法。其他興學校，恤民生，正風俗，鋤姦宄，善政纍纍。雖道路歡呼，而豪貴頗側目。是時淮撫蘇公故常視學江右，拔公于諸生中，及相臨屬，不通一刺。蘇公怪之，會揚守劉公鐸以忤璫罹罪，忌者欲羅織公人爲公危。公怡然不動也。尋降邾西都司斷事璫，改補澄城。

啟禎野乘

卷二

四

二集

令未赴，再敗漢川。時寇氛日熾，荆襄蹂躪，距漢川僅再宿所在，鼠竄。公激厲士民，人有固志，邑雖無城而守禦具備。幸不及難，卽決計議築城。會病亟，請歸。後數年城成，卒恃以無恐。公湛心理道，持已訓人，必以慎獨躬行爲本，爲制舉義力。追正始，當是時，明末文習久刊，多離經竊子，襲僞畔真。識者有蛙聲紫閣之懼，公獨振揚經傳，務爲鴻文大章，獎引後進，指授家塾。以故長公來泰，英聲鵲起，爲海內所刮目。乃其教本正誼明道，不溺榮利，故自長公通籍，以迄立朝，敦



歷中外越十餘年清風惠政所至尸祝蓋養志然也  
公內行醇備自臯比談經至遂初樂志始終心跡無  
間里閭中嘆爲德門人瑞志慷慨不侵然諾赴人之  
急如救焚拯溺居恒和易接物坐人春風比于王彥  
方規言矩行而所畧見于施設又盤錯咸宜張弛合  
度良由其治心養氣之功漸陶家訓淵源有自也江  
南湖廣皆祀名宦督學李公採輿論祀鄉賢祠子來  
泰登順治壬辰進士博雅廉能蔚有公望由禮部督  
學江南歷任蘇松參政孫士諸生有文名

菽禎野乘

卷二

四十五

二集

論曰昔人稱經師非難入師爲難先生懲末造風靡  
講學論道以闡發其性命之理于閩閩濂洛稱功臣  
矣乃其鴻猷大畧又何過人遠也當潢池瞋目作亂  
彈丸勢幾立糜先生籌畫保禦安于覆盂豈經經談  
經家所優哉昔樂安曾公浮吾少與尚書董裕同硯  
董究心經濟胃究心理學董或謂曾曾曰天下事何  
可預料必道理爛熟于胸中方能臨時應變否則志  
大才疎謂之無本董深佩服誰謂理學經濟二者不  
相兼哉先生一代大儒膏肓未施以其積學諄之子

孫○大○叅○公○魏○科○分○憲○克○振○其○家○聲○天○道○無○親○常○與○  
善○人○其○在○是○與○

文獻子集

卷二

吳

二集



善人其在是與

孫○大○叅○公○魏○科○分○憲○克○振○其○家○聲○天○道○無○親○常○與○  
善○人○其○在○是○與○

尚書張公傳

公諱有譽號靜涵江陰人代有盛德父履正仕廣信  
太守公中萬曆己未榜壬戌殿試賜進士除南戶部  
主事晉郎中崇禎初擢知饒州府陞副使督糧江西  
十年舉卓異遷叅政治漕七省旋丁父艱起補兵備  
順廣十五年按察四川大計舉天下廉能第一明年  
內轉應天府丞移南戶部督倉侍郎十七年陞吏部  
左侍郎陞戶部尚書加太子太保國變歸里越二十  
五年卒其在戶曹則革冗官裁雜費平關政惠商人

啟禎野乘

卷三

一

二集

而饒州江右善政不可枚舉及督漕七省大戢旗軍  
之橫爲從前所未有又却謝薦銀數千金時以爲優  
鉢曇花一見而司臬歸道庵去存留囚萬餘金太宰  
鄭三俊疏薦樞撫妙選上記公名于御屏且語侍臣  
曰張某是第一清官其見知於當宁如此南中御極  
召對各官時勲臣朱國弼力爭漕運摠兵不可罷公  
不與辨惟歷陳漕事原委洞如指掌國弼一語不能  
對頰赤而已尋以尚書周堪廢久不到任傳旨陞公  
識者恐啓內旨之漸謂宜會推得旨允行然是時四

鎮呼銅急如星火外。屨不敷點金乏術。諸事一無可爲矣。五月大兵南下。公入武康山中。未嘗一問家事。不近酒肉。不謁官府。不入郡邑。不與宴會。往來諸山名宿間。爲繼起師入室弟子。奉部屢徵。堅卧不起。凡地方利弊。悉爲當道直陳。濟人利物。補衣蔬食。所居敝廬。不蔽風雨。過者莫知其爲世宦也。歿之日。居人罷市。遠近流涕。蓋盛德感人如此。公秉性素孝。甫捷南宮。以念父馳歸。不俟榜放。則廣信公已病不起。嘗侍父奕。卽精其技。及父歿。爲之毀枰。至待兄弟友恭。

啟禎野乘

卷二

二

二集

處夫婦篤厚。視從子諸孫不異一體。生平能以貴下賤。以賢下愚。以耄下穉。未嘗有疾言倨色。嘗過錫山。爲無賴子某訴。薛公不與校。然又非委隨柔順者比。當增醖時。巡鹽某建增祠。公獨不往拜。揖及宜興相。再拜收採人望。邀公一見。不可得其守身不苟如此。所著有孝經衍義。督漕議家約。金剛經心經解。秦疏文集。若干卷。行世子光第。舉進士官中書。積學篤行。師表人倫。世德殆未艾云。

論曰。公經濟才也。居戶部督漕。精處脂不染理絲不



丁清惠傳

公諱賓字禮原號敬宇晚號改亭浙江嘉善人也中隆慶五年進士除句容知縣入爲山東道御史告歸復補江西道未任萬曆二十六年召爲南大理寺寺丞歷太常寺少卿鴻臚寺卿都察院右僉都御史提督揀江兼管巡江四十年陞北工部左侍郎未赴仍陞南工部尚書天啟元年晉太子少保致仕八十九十三賜存問晉階光祿大夫年九十一卒于家贈太子太保廕子予祭葬謚清惠公自少時卽以斯道斯

啟禎野乘

卷三

四

二集

民爲已任○覃精性學○甫釋褐卽請告○往來山陰茗谿○王龍谿唐一庵先生間○究切大事○絕無仕進意○有勸○駕者○輒舉羅文恭登第家居謝之○久之學成○奉父命○乃出仕○其治句容也○廉明簡易○不事鉤索○而至誠燭○物窮鄉僻壤○田籍畜牧○周知其數○至簿書出納○辨析○微芒○吏驚爲神○莫敢欺罔○句民素苦賦役○公爲清額○定制○繁者除○重者豁○虛者核○每里止畱糧長一人○收○兌○餘悉遣歸農○嚴釐飛詭○清出未收田一千餘畝○除○去已故丁一千餘口○又劑官民之則○歲汰羨供米七

于餘石力行條鞭法設立義倉儲穀備賑邑有金花庵尼徒甚衆每春遊時男女溷雜公立毀之而分遣其徒衆復建奉律亭于於茅山嚴禁婦女上山勒行鄉約俗爲丕變他若革漕耗禁差擾濬河渠勸農桑善政纍纍不可枚舉有寧國諸生吳仕期嘗擬上江陵相奪情書會京師有投匿名帖者南北大索不得捺江某迎內意趣會巡撫胡公具題公力爲仕期白寃胡遂止後江陵敗某俱戍而胡公得免德公不置口海忠介時揔南憲極重公筮仕七年不謝薦舉兩

啟禎野乘

卷三

五

二集

覲投入僅一空刺其爲御史巡視光祿也循卒舊制裁損冗濫江陵語公公不爲動江陵因公座王嘗賺前按遼御史劉臺坐贓三千兩授徽指命往勘公托病辭告歸其丞南尉也知編審鋪行爲害上疏極言太廟灾正宜節愛修省不當擾民其署尅祿也謂畿輔八邑歲有正供請竟解本寺以現價市物毋得賒取著爲令南固有三飯堂光祿寺歲出米一千八百石以食貧民自侵牟滋弊徒爲具文公令庶官親詣唱給其爲捺撫也首革債弁科減月糧夙弊都感

除小盡陋規以及上江二邑坊廂僉點苦役更軫念  
摠甲破家南人積困鏡意釐剔定三等九則之法令  
各輸錢投櫃僱募替役民兒歡若更生又濬浦口斷  
腰河以利涉疏上新河屯莊塢以便泊廣京口外塢  
以通漕復鎮江西門石橋勒瓜步船禁以救溺疏朱  
家巷濫泥洪河以溉田治南北四百里孔道斃石蔭  
榆柳以便行旅劉天緒者中都賣菜傭也以募緣詭  
稱無爲教主惑人爲邏卒所訐當事者張大入告居  
咄嗟定變功命南法司窮治或言逆不可縱公謂事

敬禎野乘

卷三

六

二集

盡在我輕重禍福一身當之照妖言律上聞止磔渠  
魁二人斬五人餘俱戍遣有差又有曹大遠等二十  
餘人爲仇家中傷誣以謀逆公爲露章請釋嘗發疏  
日有鵲飛集冠上塵去復來頃忽脚筆而去見者異  
之其兼攝留樞也以五十一衛世職赴北替襲多留  
滯不得官甚有老死窮途者特請就南勸結類奏得  
旨允行其晉陟工部也尤樽節爲務爬搔弊竇開寶  
源文思二所鼓鑄有法經營孝陵自殿廡樓門以及  
菜房牲厨庇材鳩工靡不堅美又念都城形勝在河



軀交流自積漸。侵佔河身益湮。遇霖雨。輒瀾漫。衢市  
乃首濬大河。以及支河。計四千五百餘丈。凡豪右竊  
鋸。悉力爲清理。至若完浦子口城。修方正學。何工部  
祠。勘蘆洲歲課。清棕漆圍額。租建石城。武定。過軍上  
方諸橋。治城內外街道。事事具舉。當公初授司空。謝  
恩疏云。俯竭竹頭木屑之技。仰酬遺簪隨履之恩。至  
是拮据鳩孱人服。其靖獻不欺云。凡十二疏。始得予  
告。江南士民建祠祝公者。凡九所。公爲人正直忠厚。  
廉介端凝。少有異徵。年十四時。常行野遇雨。憇一村

啟禎野乘

卷二

七

二集

舍有病疫者。正昏憤。忽驚叫。察院來。病隨愈。及公車  
至濟上。買舟。舟子先一夕。夢有人喚接工部大堂。已  
復睡。又夢如之。自爲諸生。至爲大臣。食無重味。一飯  
冠戴。至四十年。不易所居破室。以木支撐。惟好施。予  
不倦。先世故素封。遇里巷有疾苦。不啻已饑。已溺。嘗  
割腴田百畝。以贍學宮貧士。凡饑施米。寒施布。死施  
棺。邑人倚爲二天。歲大祲。前後四賑。所活人數萬計。  
奉旨晉階建坊。公再四辭免。一日有疾。夢入地府。見  
頤衣人揖曰。此非公所宜來。亟遣士卒導還。及門命

家人飲其使且有犒少選病愈公嘗以語人謂因果不爽公性孝友對人輒稱述先德嘗言初爲令時父教之曰若爲民父母不必徽譽精神惟五六月間着瓜皮帽者稱賢乃真賢耳瓜皮帽者謂藍縷色如瓜蓋鄉里細民也公終其身守訓勿忘事兄如父撫侄如子潛心講學至老彌篤家居以未得一瞻闕里爲恨忽買小舟携僕渡江拜謁孔公自稱八十八老學生將以道統身任時公年已耄以涉三千里往返一閱月遠近傳爲奇事前後歷仕南中志固不欲他徙

啟禎野乘

卷三

八

二集

當行取入都江陵稱其治績公嗟然江陵問故公曰門生以何容猶有未了事欲復任幾年又嘗與李文節言孟子云歷年多施澤于民久我久在南貴謂遭際非恒愈自勉勵絕無北京入我夢想蓋其平日惟以濟時行道爲念于富貴利達治如也公卒以崇禎癸酉十一月卒之日南浙數百里內人皆爲位以哭嘉善士民崇祠特祭子三鏞鏞鈞皆官生成倜儻不凡鏞尤有才蓋薦行君子也諸孫胤淦等以文名于

世

論曰丁先生固學問人也惟真學問發爲真氣節真  
經濟歷仕南中三十餘年迄今兒童婦女無不知有  
丁尚書者頤公豈以尚書重哉由其實心任事視國  
如家以故澤在生民功存廟社雖壽不及百年而名  
實垂千禩公不亡矣

公名捷號赤涵丹陽人萬曆四十一年進士除山陰知縣以廉能著泰昌元年擢河南道御史上疏言自門戶之釁時上勿冲璫禍猶未裂公疏獨首發之中言聖情稍假安知非倒恃太阿之漚批時出安知非口衙天憲之端時論多歸之他如請行折納以清諸費請卹遼人以結民心請并城守以救危疆核出入以杜奸細速賞罰以厲士氣蒐武健以壯軍威精器械以制全勝備海蓋以護運道調守令以儲邊才

被禎野乘

卷三

十

二集

添重兵以防西虜整京營以固根本皆經濟之言四年出爲陝西副使致仕五年起補福建道御史陞太僕寺少卿闖黨惡之七年二月吏部以推陞疏上內旨以公爲李應昇私友命削職爲民崇禎三年起陞大理寺少卿尋陞右副都御史四年陞吏部右侍郎六年轉左七年八月甲戌上召對謂吏部尚書是用之人須得天下第一等才品因命諸臣各舉所知公舉南京都御史唐世濟及前兵部尚書呂純如於是科道盧兆龍張三謨等並糾以純如逆案中人不

可用公再言純如之才且曰用純如不效願與同罪  
上曰案中人不必用八年二月以私書事牽累削職  
十七年八月馬士英薦起原官尋陞吏部尚書公雅  
意澄清而是時部務皆馬阮一手握定以故不得行  
其志疏陳時政洒洒千言會通政使楊維垣上疏極  
言三朝門戶事并薦廢錮諸臣未及行而羽書狎至  
大兵渡江南京大震弘光於五月出奔趙之龍蔡士  
琛等降公過奕琛邸以隨駕守城二策爲言衆不可  
趨出走雞鳴山寺其僕勸歸丹陽不可是夜扃戶持  
佛幢帶自縊死子孝廉仲舉文學季準並有文行與  
論歸之

啓禎野乘

卷三

二

論曰公居鄉孝友清執人無間言及其登朝持議一  
以捐朋黨化異同爲主切中膏肓晚維再起終不能  
得行其志其歿也大兵入城搜其寓中自圖史外無  
一他物卽此可以概公之生平矣特以門戶不合議  
論橫生然其殉難最早慷慨就義大節炳然是豈啻  
啜之口所得掩哉

公名楷字玄子號黃如鎮海人中天啓五年進士除戶部主事奉勅督理潯墅鈔關有廉能聲公餘則進諸生講學論文月有課季有考士類翕宗若有小題百義家絃戶誦甲戌考選刑科給事中進工科右轉兵科左陞工科都給事中封事屢上爲高攀龍請給誥命有疏爲左光斗請賜謚典有疏爲惠世揚請起用有疏時方內遣四出舉朝憂之工部郎方壘獨言內臣豈不忠勤何必鯁鯁過計公疏駁其通內呈身

啓禎野乘

卷三

十四

二集

降級去丁丑夏四月己酉熒惑去月僅七八寸至曉逆行尾八度掩于月五月丁卯熒惑退至尾初度漸入星宿兵部尚書楊嗣昌上言月食五星史不絕書災祥之致不一歷舉往事爲證公疏糾之謂古人謂月變修刑又言禮駢則罰見熒惑誠欲措刑莫如右禮誠欲右禮莫如省刑今爰書之牘極矣部司議宥止于重辟數人而未折之案先復纍纍誰復過而問焉嗣昌縷縷援引出何典記其言建武欵塞者欲借以伸通市之說也其言元和宣慰者欲借以伸招撫

之說也。其言太平興國連年兵敗者，欲借以伸不敢用兵之說也。附會誠巧，矯誣實甚。蓋先是嗣昌因講筵誦孟子善戰服上刑語，上非之。至是乃借月食火星以爲可化災爲祥，冀以動上意。然考之漢書，建武二十三年三月月食火星，二十五年部人始立呼韓邪單于內附，則與明年無與。永平六年少府陰就于豐坐自殺，陵卿侯梁相坐誹謗下獄死，而鬪雲臺則三年事，與日食火星亦無涉。嗣昌不自知其說之謬也。旣而嗣昌奪情入閣，奉旨素服，角帶辦事大

祀大慶，暨頒詔傳制諸大典，不與朝講召見，如常服隨班，而嗣昌儼然吉服到任。時母服方五閱月，公上疏劾其忘親不孝，上切責之。降三級調用，補國子監監丞，稍遷禮部郎中。告歸乙酉，以閣學王鐸薦，卽家特起戶部右侍郎，兼工部左侍郎，管鼓鑄福建，授右僉都御史，與鄭芝龍不合，罷去。中途遇盜，截其耳，人以爲芝龍所使。旣而公歿于福清，路振飛嘗有詩云：福清嶺外何玄子，長樂江邊熊雨殷。蓋咏二公殉難處也。

論曰先生文品卓越海內及在諫垣劾內閣糾權貴  
與漳浦同遭褫謫何其直節峻峻也晚遭滄桑流離  
海外卒之以身殉國亦可哀也已



與漳浦同遭褫謫何其直節峻峻也  
晚遭滄桑流離海外卒之以身殉國  
亦可哀也已





場以死終不言劉所在劉後以疾終  
論曰近日科目俱以賄升士氣阻抑極矣而猶有慷慨報國如諸君者豈祖宗之德澤尚未泯耶至申君之死雖非君臣之義然以賓主師生之誼備受慘毒至死不言若托孤寄命大節不奪又當何如也

公諱元勛字冠五號明葵嘉善人幼而魁異祖南麟公以元宗期之及長博洽羣書爲文得周秦風格詩擬晉魏書法類鍾太傅一流遂知名顧試童子輒不利家益落萬曆乙酉年二十六始以第一應儒士入省闈再試補餼戊子中乙榜從遊日益衆丙午登亞魁丁未成進士年四十八矣或勸就館試公以夏忠靖劉忠宣諸公皆起縣令爲朝廷柱石清華非所望却之除龍溪知縣一時善政如緩催科息忿爭清冒

濫免加派俱仿朱紫陽法又捐俸修文廟立社學每訊俱甄拔奇材士論翕服建虎渡柵尾諸橋民最便講讀鄉約弗輟風雨壬子當鄉薦御史辟公分試侯官令某心艷之公戲謂曰君急崔家庄耶遂讓焉邑有黠者善訟公數詘之乃讒怒監司移檄太守讓公公曰殺人媚人職所羞也知足知止自分久矣不受讓有中使輩辱撫君藩臬皆畏避公獨抗言叱之其公正類如此俸滿奏最主爵者擬擢公臺省公堅乞冷曹遷南吏部將解任吏納羨金公令登籍存庫會

民火延燒及解公趨拜之遂滅人以比劉昆在銓曹  
益務簡遠不通私謁尋請歸省丁父艱服闋遷考功  
郎陞濟南道濟潤徽已極公極意撫綏民氣大振有  
州伯遣吏餽金杖而還之民有畜牛生麟者白質青  
章赤光耀遠近墮地吼踔遂死會三司官署賀表公  
愀然獨揖曰麟須生乃佳拂衣出卽杜門稱疾不署  
名揭請骸骨歸里撫按固留之不聽時楊左輩皆公  
同籍最相善魏公大中尤里中石交皆殉節故公退  
志益決築室竹蘆深處郡縣不通一竿牘嘗書一蠶  
敬禎野乘

卷三

三

二集

於○堂○耕○我○心○田○留○這○些○延○年○穀○種○讓○人○頭○地○省○許○多  
撲○面○風○波○日○屏○居○書○室○誦○老○莊○數○章○以○自○遣○云○歿○時  
年七十四所著有拙圃集行世邑人請祀鄉賢祠而  
濟南龍溪等處俱爲建祠奉祀孫善爲名諸生詩文  
工妙海內稱之

論曰公始終可謂一完節人也年垂艾博一第使梯  
榮躁進者處之將昌黎所云仰首鳴號以祈得當於  
人者或幾幾不免矣公自爲令時卽耿介自矢後歿  
歷中外不更所守痛逆奄之亂而遂抗志長往從竹

李襄城傳

李公名國禎，號兆瑞，豐城人。襲襄城伯，短小犀利，有口才。數上書言兵事，又自請於京營外選練衛所官舍，上甚喜。及商議俸糧，增給不貲，歲費二十餘萬。又請內庫兵仗銃藥甚多，而乞上御書營額，上爲親書。共武堂賜之。未幾代恭順侯吳惟英總督京營戎政。都督加太子太保，賊寇京師，公奉旨守城，百計綢繆。三月十六日，公匹馬入殿，汗雨沾衣。內侍以非時止之，公曰：「此時君臣多見一刻亦一刻事。」諸臣惶懼問

啟禎野乘

卷三

五

二集

故曰：守城軍皆疲，傲不用命，鞭一人起，則一人復臥。奈何！上召入命內侍俱上城，十九日城破。二十一日解見賊，願觸死。苦爭三大事：一爭祖宗陵寢不可發，掘一爭先帝當葬以君禮，一爭太子諸王不可誅滅，宜待以祀宋之禮。再四哀切，賊從之。先是以柳棺殮帝后，因公言易梓宮，尋爲帝后發喪，葬于田貴妃陵園，送葬止公一人送畢，自縊死，贈太子太師，進侯，謚貞武。

謝曰襄城職任京營失守不爲無罪然他人止辦一  
死惟公力爭三大事送葬而縊洵死節之第一人哉



公... 夫... 不... 然... 人... 止... 辦... 一... 死... 惟... 公... 力... 爭... 三... 大... 事... 送... 葬... 而... 縊... 洵... 死... 節... 之... 第... 一... 人... 哉

衛忠毅傳

公名景瑗字仲玉號帶黃陝西韓城人天啓乙丑進士除河南府推官執法不阿考授山西道御史劾閣臣周延儒銓臣曾楚卿救工曹靖科元朝論稱之巡按真定丁父艱服闋補河南道御史巡太倉嚴革陋規時樞臣楊嗣昌議加勦餉公上疏言不可弗聽給事中傅朝佑李汝璈疏劾首輔溫體仁上怒下二人詔獄公爲訟寃會召對極言二臣從國家起見願皇上赦出以作敢言之氣忤旨左遷行人司正歷尚寶

救頑野乘


卷三

三四

二集

丞大理丞少卿壬午陞都察院右僉都御史巡撫大同裁缺丁鑄火器戢豪宗聲績甚著甲申二月賊李自成陷太原督臣王繼謨望風遁賊至寧武鎮臣周遇吉告急公趣大同鎮姜瓖提兵往救瓖持兩端不行寧武陷遇吉死之三月一日賊至大同瓖以城降執公去見自成不屈據地坐大呼皇上而哭自成曰忠臣也勿殺公起以頸觸石血淋漓賊拘之營中六日公自經于海會寺冠服南面哭稽首而絕延安推官顧咸正爲誌其墓南京贈公兵部尚書謚忠毅

論曰公有老母可無死又賊方陽慕公名不忍加害  
更○可○無○死○而○公○顧○持○義○堅○決○從○容○自○裁○可○謂○得○正○而  
斃○克○全○所○受○者○矣○誰○謂○公○死○不○得○已○哉○





王布政傳

公名象晉字子進號康宇新城人貴州叅議忠勤公重光孫戶部侍郎見峰公之恒子少師霽宇公象乳弟也生而重厚岐嶷不凡中萬曆三十二年進士夢親疾卽乞歸養父喪哀毀之誠幾於死孝服闋授中書舍人當考選擬轉科道而少師以總督召掌兵部欲暫假以便公公不可卽具文引避改禮部儀制司主事爲黨人所忌中以考功法降江西按察司知事稍遷行人司副遷儀制司員外郎扈惠王之國荊州

啟楨野乘

卷三

五

二集

遷揚州兵備副使以廉能著通州亂民之變公夜馳往定之奉旨設司道一員督蘓松等府糧儲以公陞叅政任之復定吳江漕卒之亂四運皆完會有中官銜命督漕公不爲禮以法中公得降級士論壯之遷河南按察司王府宗室多好訟連及者輒破家公察其誣白兩院一切寢之得全者數百家遷浙江右布政使左籥姚公永濟入覲徵解不及額下獄公聞卽以署印日催到錢糧代姚公起解得釋復任而自請致仕國家之後日與二三野老優游郊園對花木觀

禽魚飲酒賦詩追香山洛社之風自號明農隱士爲其鄉祭酒人瑞者數十年年九十三卒鄉人私謚康節先生公爲人恭儉和易內行淳篤平生亦未嘗借門戶以報復人門無邪僻之賓室鮮華靡之僕其剛腸嫉惡志潔秋霜而慈心御物譽流冬日雖躋大耋銳志弗衰嘯咏如常延接罔倦俾聆其罄咳者如坐春風觀化之夕邈然委脫似有得於道者公自作壙誌有曰予性謹飭予心柔懦不敢凌人不忍害物壽命延長或在於此所著有剪桐載筆念祖約言等書

敬禎野乘

卷三

三

二集

及輯群芳譜二十八卷行世子與徹以御史死節另有傳孫士祿壬辰進士官吏部主事士禛乙未進士官揚州府推官俱以廉名著稱

論曰吾觀方伯先生立朝居鄉之概正已出政之端登躋巍科晚登大耋百年以還目所希覩是固天下才德之大聚全歸矣然而猶有憾焉北山大夫豈不位而從外事其詩曰旅力方剛經營四方以爲不得入黎風議無救周衰召公豈不壽考及其致政周公曰耆造德不降我則鳴鳥不聞以爲老成在野則其

勢不盛由此而觀假使天欲大用公則必使其先五  
十年蚤踞均衡後五十年毋歌邁軸如此則可以大  
治天下而壽一世今僅焉爾豈不惜哉然而哲嗣文  
孫蟬聯鵠起豐功偉業正未可量如先生者要不可  
謂非國之遺老邦之瑞士世之辛人天之君子也倚  
歟休矣



王太僕傳

公諱追，字執之，號逸求，湖廣黃岡人。曾祖濟，進士。祖延瞻，官至刑部尚書。公生而魁磊不凡，工制舉義。兼詩歌古文詞，爲學憲鄒公迪光所首拔。尚書薨，母哀久，逝世繼母郭氏以孝聞。一時巨公皆與之遊，雅相契善。好客喜施，予遺產且盡。益下惟攻苦，自辛卯癸卯丙午三中副車，而卒不第。公慨然曰：「此何爲者？古賢經濟期于有用而已，何必甲乙榜？乃爲通顯哉！」丁未棄去，襲廕初任中軍都督府斷事，別弊察屯有

啓禎野乘

卷三

二十九

二集

異蹟。辛巳轉南京左府經歷丙辰轉南京戶部福建司員外郎丁巳請告家居。天啓辛酉起南京浙江司郎中冬陞貴州安順府知府。奢酋之亂黔圍將一載，有勸公緩行者，公以疆場孔亟，賣田募壯士以行。至則安順已隔，都御史王三善以公署平越府，公不逾月轉米芻七十萬，又署平壩兵備副使督漢土步騎十五萬人討安酋。自普安到清河口十七戰皆捷，斬首前後二十萬，有零。亡何而公以勞瘁病，王曰：「事未就，諸君得毋有所恨乎？」公曰：「不負國，不負知己，遂頌。」

語不及他卒贈太僕卿

論曰公生平大業在封疆學問在兵食至性關君父而其處鄉仁惠與朋親急風誼施不望報內行表表尤可尚也豈僅以死勤事者哉



夫何謝身豈能以取難若若其

而其與陳才康與陳賤急風誼施不望報內行表表  
倚曰公生平大業在封疆學問在兵食至性關君父

語不及他卒贈太僕卿

副使時賊氛充斥全楚震動公疾驅至麻城繕甲兵儲芻糗躬履行間指授方畧擒虎頭關巨寇以絕賊援賊知有備由是退走蜀再丁內艱十五年起福建福興泉道副使而閩中賊復亂肆掠興泉漳福間公請勦於撫軍率兵駐仙邑四部並進斬馘無算故軍行七日而凱旋雖萊公之決澶淵武穆之討湖湘亦不是過旋以賁表入都爲董心葵誣累事得白敘平寇功復職而闖賊之禍作矣公潔身匿影全節南歸靜坐一室持齋學佛徜徉於清泉白石間垂三十年

啓禎野乘

卷三

三十一

二集

以老公豐順廣額儀容峻整而內行淳至事父母孝先意承志愛慕逾于孺子遭大故哀毀倍常每當忌辰補衣蔬食終身如一日朔望必躬詣先祠春秋必親掃祖墓雖躋耆耄跪拜惟謹閨閣之內相敬如賓五十斷絃曾無二御少遊高忠憲之門忠憲許以擔荷斯道及忠憲歿闕難貽書決別者同邑三人蓋公與華公鳳超王公忠紉皆同志也見姚文毅集平居勗子若孫惟安貧守分又曰凡事要高人一着卽是私意未淨自流俗觀之似高揆諸聖賢之道無當其得于

獨昌言不諱白簡秋霜其不從比干于地下者一間耳公真不愧忠直臣矣

徵顧野乘

卷三

三



唐七公黃衫者傳

唐七公者嶺南戰士也常有功爲所部攘去昭以文法幾死行經黃坂山即孤寂夜雪如晝七公醉拔劍舞却坐歎息有客黃衫者自外至因言叟劍健可得縱橫矣七公曰吾劍不足道吾挽強連矢無不洞貫也復長吁久之不能寢黃衫者亦不寢旦各就道七公望黃衫行疾異常數步無所見始心疑之又行數十里聞傍徑積葉聲颼狀黃衫已復來緩行與七公騎並徐口察叟爲人當有不得於中者吾夜中不問

緣有他事今事畢矣七公嗟歎良久曰嗟夫少年黎人之難奉明詔徵捕吾釋耒耜從將軍東斬首虜復兩砦不敢一望獄吏也黃衫默弗荅七公復曰戰箐河時將軍危殆吾截指勵死士夜入不測斃其渠帥于火腕將軍死今賊去將軍反不吾生嗟夫少年與吾同功者十三人皆無罪死久矣誠若是他日誰爲天子出死力者黃衫沉吟若不勝又行數里路岐黃衫曰叟曷進七公曰吾欲西耳黃衫曰今別叟願得負叟與前十三人者姓名七公曰止止吾怠矣豈復



望見敘且少年安用知之黃衫怒曰身奚爲爲叟功  
叟與人同難而不與人同死非壯士也七公因爲言  
某某卽別去然心益疑一日獨宿忽聞床頭鏗狀有  
聲燭之一革囊墜地正前將軍之首也七公曰噫  
矣吾不可愛死以負長者義卽攜其首慷慨述其事  
于官卒死獄中

論曰荆卿七首與博浪之椎何異狀于房高義天地  
震動而卿僅列刺客則以受燕太子之賜與于房爲  
韓報仇異耳黃衫之于將軍及七公何仇何德豈非  
落祿野乘

卷三

三五

二集

劍客之有心者乎至於七公仇斃身逸可以無死顧  
冒死以明黃衫之義其事益難矣誰謂當今之世無  
古押衙其人哉

公名德毅字士遠靖江人配項氏新安塩賈女也公少英異嗜讀書喜畜古書画中年益好飲嘗語人曰吾處士以酒全其天真不爲世味所琢時日雋酒如故遂喪明邑人惜之曰幸矣吾喪明天下事吾無責矣好酒自若甲申聞都門大故輒弗飲噉默坐若不欲生項慰曰君向言喪明無責今何遽乃爾公厲聲曰吾雖瞽目亦瞽心乎汝婦人不足語大義項唯唯否否若謂公錯愕無識者公乃挽項手霽色曰汝所

見且奚若項曰君旣失明君手我當挽之行但變太驟者必非定局姑俟之當自有死所耳乙酉兵至邑人咸驚遁子姪親隣數輩亟請曰當翊公與母行否則劄且及公固謝去會次子已被戮三子尚穉驚匿牀下長子又先期出皆不問閉門拈瓣香北嚮拜訖公令項盡焚所藏書籍及圖畫曰是有我名姓在我携之去勿爲人所辱時門外馬嘶人噪聲益急項乃從容白公曰妾當先君死但夫旣失明繫綆紛環拈掃虞未便妾請左右于君使君瞑目但君旣失明恐

冥阪維蘿姑我待旋當挽君手而行也公曰善於是  
扶公自經候其喉吐舌聲絕遂挽公手亦自經相向  
而亡後二日兵聲少定人爲啟鍵視之尚挽手懸于  
梁顏色含笑如生卽蓋棺時猶挽手不可解靖江學  
博孫妍如傳其事

論曰嗚呼毋公所謂婦人公母所謂失明人也阿匯  
先生本傳之論如此其含意無窮矣謂婦人不當以  
婦人目之謂失明人不當以失明人目之至公之言  
曰吾雖瞽目豈瞽心乎壯哉斯語今天下直瞽心世  
復頑野乘

卷三

七

二集

界也然自有阿匯先生點睛則瞿公且雙眸炯炯與  
日月爭光而項夫人亦此髯如戟稱烈丈夫矣

而寸發二日又擊及汝人會與我思之出字  
其公自懸其親劫由鞏縣德縣公平亦自懸  
冥剋蘇軾故其詩當其年而許公曰善然吳

開講學論道會張公采起禮部疏薦公侍經筵公  
書力止著乙酉蕘慮二十四篇丙戌移家侍父居南  
昌偕弟文星文暹講學益力丁亥冬觀乾象有感起  
謂諸弟曰江以右當有大厄吾且歸楚修故居迎吾  
父也戊子春兵亂果作公書法晚進雙鉤懸腕握拳  
透爪爲大特珍重開戶訓子自郡縣以上數訪問不  
得識其面先是與陳溧陽定交漢上上下古今大家  
洎先輩時義無不旗鼓相當及溧陽秉均屬楚廵方  
登學使者數敦請以病廢辭掌院龔合肥以書相促

夜讀野乘

卷三

三

二集

云林宗通隱薄遊太學叔度高蹈亦至京師公笑而  
受之乙未夏患瘧公善岐黃書自度不痊力疾草數  
萬言藏之家名夢峨錄易簧前數日家人見一僧蒼  
然立于床側被帷視之公漚正適也未幾端坐而逝  
戒作佛事州里紳士咸哭于夢湖學者私謚曰文毅  
先生所著藏家老峰文集二十卷子懌惟有文名  
論曰國家設制科垂三百年當社稷丘墟諸臣挈割  
馬兔而走豈可謂國有人哉夫朝廷取士何典舉淫  
子之癖而加諸高才博古者之上一旦有急雖欲不

以君父予敵勢將安能以孝廉之久而不得一第以死可嘆也孝廉有弟子威與予交甚篤稔知其博學著書爲士林翕宗黃氏家聲于是乎不墜矣



亦曾與士林翕宗黃氏家聲于是乎不墜矣

以君父予敵勢將安能以孝廉之久而不得一第以死可嘆也孝廉有弟子威與予交甚篤稔知其博學著書爲士林翕宗黃氏家聲于是乎不墜矣

以君父予敵勢將安能以孝廉之久而不得一第以死可嘆也孝廉有弟子威與予交甚篤稔知其博學著書爲士林翕宗黃氏家聲于是乎不墜矣

左侍郎傳

附陳用極等

公名懋第字仲及號蘿石萊陽人中崇禎辛未進士除韓城知縣有廉聲時流寇屢蹂境內公發兵擊却之推闕中保障功第一行取爲戶科給事中陞刑科右史科左奉勅察覈南京兵餉未復命而壯變弘光立陞太常寺少卿擢都察院右僉都御史巡撫應安徽寧等處會丁母艱而朝議遣大臣使壯營先帝山陵并議割地歲弊公自請壯行因得葬母允之陞兵部右侍郎兼都察院右僉都御史經理河壯聯絡

故禎野乘

卷三

四十一

二集

闕東軍務賫國書金幣以行而副之者太子太保左都督陳洪範及太僕寺少卿兼兵部職方司郎中馬紹愉兵部司務陳用極等公題行疏言渡河而壯生死未知願以辭闕之身効一言臣望陛下時時以天下爲心以先帝之仇壯京之耻爲心瞻高皇帝之松楸而卽念成祖列宗之陵園現有黍離之痛撫江上之黎氓而卽念河北山東之赤子恐有左衽之羞臣更望皇上命諸臣時時以整頓士馬爲事勿以臣此行爲必成卽成矣勿以款成爲可恃必能

渡河而戰而後能扼河而守必能扼河而守而後  
拱護南都於萬全此一定之理勢也又云先帝殉  
難臣少繇諍臣少也遠如河北之地雖在遠而勿忘  
直如汲黯之流雖逆耳而莫棄時以爲名言行次德  
州傳旨赴京朝見洪範謂公欲全國以全身非屈膝  
不可獨公與用極皆不然之十月朔至張家灣公欲  
先謁陵後見王不許乃遙祭先帝后于十二日入  
京館鴻臚寺內院剛林至責江南不應擁立又詰  
先帝遇難何無一兵相加公抗詞辨對尋命戶禮部

官取銀幣去獨國書不受公請祭告諸陵改葬  
先帝皆不許乃陳太宰于寺堂哭奠之二十七日放  
歸十一月初四日至滄州復遣兵追執壯去而獨命  
洪範南還公至改禁太醫院不通出入欲授官公不  
從凡七月江南下公慟哭誓必死然攝政王無意殺  
之也會中軍艾大選傳濬有罪公杖之大選自經死  
濬恐爲蜚語聞及令下公大呼不可而用極與游  
擊王一斌都司張良佐王廷佐守備劉統亦皆呼不  
可遂執下獄重鍊三匝七日不食執見殿前公麻衣







以故東林諸君子皆與交游。而烏程以異已。側目虎  
視。日欲借一人以傾衆正。而公又居鄉不合于俗。遂  
至讒言疊至。詩云。萋兮菲兮。成是貝錦。職是故也。甚  
矣。門戶之足以殺人如此。可不畏哉。



矣。門戶之足以殺人。此其所以不與也。  
至。讒言疊至。精云。萋兮菲兮。成是貝錦。職是故也。甚  
矣。門戶之足以殺人。此其所以不與也。  
願日。拾遺一人。以酌衆正。而公又居鄉不合于俗。遂  
至。讒言疊至。精云。萋兮菲兮。成是貝錦。職是故也。甚  
矣。門戶之足以殺人。此其所以不與也。

啟禎野乘二集卷四

梁谿鄒漪流綺甫纂

鄭大尹傳

公名夢眉字警瞻金谿人。中天啟辛酉鄉試。庚辰特用授四川南部知縣。距撫州原籍四千餘里。挈其家室偕行。以免內顧。會楚蜀弄兵。河山阻絕。聞問不通。賊李自成犯闕後。常遣僞官赴任。公知事不可爲。援筆書壁曰。逆徒播虐。稱周武。我志何難效。首陽縱使旅魂歸。路斷此中猶有漢。桐鄉投管自縊。母妻子女

啟禎野乘

卷四

一

二集

皆殉焉。公爲文深峭。特拔語不猶人。賦性最直。嘗面斥人過。群小愠之。與人談忠義節俠事。雙眉直豎。視齷齪鄙穢之徒。蔑如也。

論曰。賊寇蹂躪中原。郡邑守令捐身殉國。所在有人。其名湮沒而失傳者。可勝道哉。如鄭公之闔門死難。尤爲表表特出。然不遇李石臺先生。安得撫志而考定之也。

高大學士傳

公名弘圖號徑齋膠州人萬曆庚戌進士除中書舍人考選爲廣東道御史巡按陝西以病告起補巡視京營天啟四年魏忠賢導上游西海子蕩舟舟覆上幾不測又朝廷削奪忠良無虛日公疏論追奪誥命有傷國體詔獄多人宜聽司寇大忤璫意五年逆璫喻令參劾樊尚璟等公不可遂閒住七年忠賢誅補原官崇禎元年陞太僕寺少卿復以病告三年起都察院左僉都御史遷工部右侍郎方到任與總理太

菴頑野乘

卷四

二

二集

監張彝憲爭列公座疏言公座之設原以尚書長侍郎以侍郎侍尚書而忽益以內臣彝憲一座則職今日將侍內臣乎抑侍尚書乎此等界限不容不辨故僅與之穿堂相見公座已之遂大拂彝憲意連上入疏告病革職歸十七年復起南京戶部尚書聞北京陷與兵部尚書史可法出檄討賊弘光立改禮部尚書進東閣大學士公首陳新政切要入事一日正義問二曰御講幄三日設記註四曰睦親藩五日議廟號六曰嚴章奏七曰固江防八曰詳詔使又疏請修

先帝實錄言 先帝在祚十七年盛美皆不勝屈今  
長安不忝實錄淪亡陛下悼往方深採輯邸報蒐羅  
見聞正可授管南董濡楮遷固其各省災祥人物節  
孝義烈等宜通行巡按提學官分採郡縣彙送到部  
凡山內臣差遣定 思宗諡號遣北使事宜朝廷大  
議多出公手吏部尚書張慎言薦用原任大學士吳  
牲吏部尚書鄭三俊勲臣劉孔昭持不可諠爭殿上  
公言家臣自有本末何遽殿爭再疏言文武各有職  
掌用人乃吏部事孔昭一手擬定臣等皆贅員矣慎  
言薦牲勲臣知爲不可臣終以爲不可不用票擬實  
出臣手况三俊清剛係五朝人望臣終以爲不可不  
用是臣罪不減慎言請賜罷斥馬士英薦阮大鍼詔  
賜冠帶陛見公請下九卿會議與士英不合中旨傳  
陞張有譽爲戶部尚書給事中章正宸疏爭甚力公  
票擬正宸言是弘光發改再擬再發改又揭爭朱統  
顯糾姜曰廣法應寃治弘光又再發改票弘光召入  
責公把持公言臣死不敢奉詔不聽復具疏辨尋乞  
休去命行人護送予馳驛賜銀幣以殿工恩再加太

子太傅卜居蘇州尋聞兵至踰錢塘寓紹興城外既  
而知弘光出奔以其幼子托之友人逃至野寺不食  
而死

論曰南都御極一年膠州撥席三月義不就食而死  
誰曰不宜彼一年之間始終密勿出入將相者安在  
哉膠州當逆閹時能申救大獄且不爲噤使非不畏  
強禦者耶宜其生死一節也予嘗過從先生吳門旅  
舍見其自署書齋有云江左可寧誰負國未滅  
不爲家然則先生豈一日忘君者可與伴食中書輩  
敬贖野乘

卷四

四

二集

同日語乎

公名允彝字彝仲號瓊公華亭人少穎異博學能文  
總弗時遂先之旭應童子試會督學御史蔡獻臣拔  
儒童不由郡邑考公偶與拔冠軍以儒士入棘闈登  
萬曆戊午賢書副考給諫張延登尤賞愛之延致家  
塾時公年十八文名滿天下凡七上公車沉頓二十  
年與同郡陳子龍婁東張采張溥等主復社盟三吳  
兩浙文風一變崇禎丁丑成進士爲長樂知縣廉惠  
多異政稱神明每入會城上臺有疑案爭屬公對簿

赦頑野乘

卷四

五

二集

應接不暇閱五年考治行高等擢吏部主事柴車未  
曳玉步忽改遂息影林下憂居嘗著降賊大議語多  
可採又上疏願以家產盡籍于官以助兵餉討賊而  
朝議方誅求門戶御史徐復陽疏糾公等不問亡何  
松鎮變起公扼腕嘆曰國破君亡我何心獨活遂自  
縊死其絕命詞云少授父訓長荷國恩盡心報國矢  
以忠貞南都旣覆猶望中興中興杳然何忍長存卓  
哉吾友虞求廣成勿齋繩如子才蘊生願言從之握  
手九京人孰無死不泯此心修身俟命欲勵後人妻

某氏披髮爲尼。子完淳年少有异才。亦以兵死。公丰神秀美。弱不勝衣。而目光炯炯。意慮深長。鰓斷斷有表正人倫。摠持聲氣之槩。不獨文章領袖。壁立詞門也。

論曰。先生學問經濟人也。予嘗與之晤對。見其所論。皆性命精微。王霸遠畧。坐而談說。立而欲見之。張設施行者。往贈予詩。有云。何必三公存。氣節居然一代有。文章予深媿。其言至今誦。其遺篇叙其逸事。又安得不深高山仰止之懷也。

枚頑野乘

卷四

六

一二集



副使傳

公名必正字聖功號約庵吳縣人世居太倉之直隸  
祖雲翼總制兩廣奉命勦羅旁百年逋寇一朝頓滅  
擴地千餘里建一州兩縣以功在封疆子玄超世襲  
錦衣衛指揮使卽公父必公奉母至孝兄弟友恭無  
間言更慷慨樂施予敦友誼不侵爲然諾亦不事家  
人生產以故業中落而洒脫自如崇禎庚午舉於鄉  
辛未成進士授刑部主事讞鞫重獄事多平反泊奉  
命鐫除陪京宥釋者難更僕數事竣出爲江西建昌

救頑野乘

卷四

七

二集

知府廉明慈愛絕賄賂杜請謁時益府恣橫不法公  
嚴戢之遂牴牾思有以中公三年大計入都當事重  
違益府意因左遷真定郡丞公益厚自砥礪愛民如  
子郡濱滹沱歲造浮橋擾十八邑里民費以鉅萬計  
公出已意爲橋式費不踰千金可支數年北方最苦  
馬差公奉巡按李公模指革僉派而募馬夫清官庫  
芻秣之資按月而給不擾民卒無逃亡繇是循良聲  
日著當事擬有顯擢以忤璫補粵西桂林郡守桂齊  
郡也且聞闕萬里公廉介猶昔革弊政以蘇民困百

年風習爲一變未幾陞府江兵備府江民獠難處最  
號難治公禦之以嚴撫之以慈恩威所至遠近無不  
畏愛期年以母艱歸未三載而國變遂絕意仕宦足  
不履城市甘與弟必名及二三舊友徜徉詩酒間有  
鹿門栗里之風尤善繪山水花鳥興至則吮毫落紙  
人爭珍賞必名字實賓由貢生除通城縣令有品行  
與公稱二難云公卒於丁酉五月年六十有二  
論曰爲國任怨者臣之忠忘一身利害者士之節吾  
觀凌先生殆循良之選也真定之政孜孜爲民而貴  
不可以知公之爲人也哉

牧頑野乘

卷四

八

二集

宦強藩之怨不避焉雖終罹多口不得大用臣忠士  
節斯無負矣吾師李灌溪先生持斧畿南首以公薦  
不可以知公之爲人也哉

公名傑字英吾清澗人自幼負大志後爲賊有驍勇  
名稱翻山鶴舊與李自成同夥後來降陝督洪承疇  
撫御有恩能得其用及孫傳庭繼任命公與白廣恩  
爲前鋒總兵官二將各不相下遂潰然尚退扼潼關  
旋亦不守皆歸于闖闖亦疑之公遂自延安渡河在  
山西河北一帶劫掠屢旨檄令隸秦督余應桂麾下  
不顧也秦小將王三錫密疏言傑胞叔爲闖親將曾  
與傑有密約直取淮揚報功許以封侯閣臣蔣德操

聞知密言于上上曰傑與廣恩說到洪總督卽泣下  
豈不知恩今且令督輔李建太撫而用之乃公已自  
河北入徐旋馳至揚欲入城時以擁戴功已封興平  
伯矣揚人罷市登陴死守公率兵攻之鄉紳鄭元勳  
力爲調劑爲亂民所殺公恨攻益力閣部史可法解  
之父之始移駐瓜州去得功薄廬又與公爭淮揚戰  
不勝以太僕少卿萬元吉解之始罷兵隸公可法標  
下爲前鋒總兵官壯討公上疏言目今大勢守江壯  
以守保江南人人言之然從曹單渡則黃河無險自

頓船入則鳳泗可虞。猶或曰有長江天塹在耳。若何而據上游。若何而防海道。豈止瓜儀浦。尋爲江南門戶已乎。伏乞和盤打筭。定斷速行。中興大業。庶有可觀。又與劉澤清書云。壯朝發一王子。領其號二十萬。實七八千。齊駐濟寧。近日河南撫鎮。接踵告警。一夕致至開封。上下北岸。俱是兵衆。問渡甚急。惟恐彼一越渡。則天塹失恃。長江迤邐。壯盡爲戰場。時事到此。令人應接不暇。惟有殫心竭力。直前無二。于萬難之中。求其可濟。以蕩國恩。而已。澤清以詞。德文遺。清肅

懷麓野乘

卷四

十

二集

王善云。遊關犯關危。及君父痛憤于心。大仇未復。山川俱蒙羞色。豈獨臣子義不共天。關東大兵。能復我神州。葬我先帝。雪我深怨。救我黎民。前有朝使。持黃金幣。稍抒微忱。獨念區區一介。未足答高厚萬一。茲遊關。蹀躞西晉。猶未及授首。凡係臣子。及一時豪傑。忠義之士。無不西望泣血。欲食其肉。而寢其皮。晝夜叮嚀。嘗膽惟。殺關逆。報國仇。爲汲汲。貴國原有莫大之恩。銘佩不暇。豈敢苟盟異念。自于負義之愆。廢以第勞。奉旨堵河。不揣綿力。急欲會合。勁旅分

道入秦。殲闖賊之首。哭奠先帝之靈。則傑之血忠已盡。能事已畢。便當披髮入山。不與世間事。一意額祝。復我大仇者。茲咫尺光耀。可勝欣仰。一腔積懷。無由面質。若傑本念千言萬語。總欲會師勦闖。始終成貴國恤隣之名。且逆闖凶悖。貴國所甚惡也。本朝抵死欲報大仇。亦貴國念其忠義。所必許也。本朝列聖相承。原無失德。正朔承統。天意有在。三百年黎養士民。淪肌浹髓。忠君報國。未盡泯滅。亦祈貴國之垂鑒也。清朝報書有果。能棄暗投明。擇主而事。將軍功

名不在尋常等語。先是清副將唐起龍。其父唐虞時。致書與公。勸其早斷。速行有大者王。小者侯。不失如帶。如矚。世世茅土之語。公皆不聽。身先士卒。沿河築牆。竭力備禦。徐州連賊程繼孔者。引兵渡河。公擒斬之。加公太子太傅。公提兵與總督張縉彥直。抵開雜進。據虎牢。致書可法。謂宜速調黃劉二藩。緊防開洛。則傑可全力。注徐邳。若二藩憚於險遠。宜徑調赴邳。宿防河。傑當提兵直趨歸開。鼓勵中州忠義。就近聯合急圖。綏雜荆襄。以爲根本。東南一帶。方可安枕。

可法者其言乙酉正月抵歸德時河北總兵許定國據睢州意憚他徙又有言其送子渡河北者公至欲以威揖之招定國會不應公往睢定國始郊迎公心輕定國縱馬入酣飲約定國十六日離睢又取塘報通壯送子事示定國定國愈疑且怒遂於十二夜伏兵放砲大呼公卧未起擁至定國所被殺先是公以定國將離睢盡發兵駐縣開封存者止內丁數十人定國預多覓妓選四艷侍公而以二妓夾一丁寢及砲發一丁已爲二妓掣竟敗次日公部下攻城老弱

無子遺定國奔清朝議命公所部將士仍聽夫人

邢氏統轄而加監軍侍講衛胤文爲兵部侍郎總督

所部經畧開歸防勦軍務贈公太子太保子祭葬子

元爵襲封典平伯再蔭一子錦衣衛百戶

論曰高典乎固奇男子也平日驍勇所不必言跡其

提勁旅進河北一疏三書忠義勃然特病在揚州大

失人心耳夫承平之後軍餉不繼搶掠之事自所不

免若夫雅附聲氣推轂清流如吳閣學鹿友鄭太宰

玄嶽熊給諫魚山姜給諫如農皆當時朝局所目爲

爲怪物爭相下石而與平獨荐揚忠後世非武弁中  
之佼佼者與而世人顧相率而譽與平何也詳表  
計將不可一世少爲諸生材名魁亞入太學第次爲  
福建按察司經歷時理舊刑政切商諸學請臣稱詔

樓頤時乘



三集

其勁旅進河壯一疏三書忠義勃然特府在揚州大  
人人心事夫承平之後軍餉不繼捨此之事復所不  
文對分書與而封入齋清潭兩普觀學館列縣表宰  
爲對分書與而封入齋清潭兩普觀學館列縣表宰

公名士順字孝來長洲人長軀偉髯傑岸不群秉性  
奇持不可一世少爲諸生材名煜煜入太學需次爲  
福建按察司經歷時魏雀亂政切齒講學諸臣矯詔  
逮閩辨死比寺獄者纍纍東林衣冠之禍烈于漢季  
顧厨上大夫屬籍鈞黨者惴惴莫敢語及東林二字  
公獨起而非之曰不丁殺運不開生面東林一片講  
席至今日而始得見其本色也顧諱言之哉于是自  
署曰東林鄉人凡東林被逮請公悉罄毛髮手足以  
啟顧野乘

卷四

十四

二集

就之武塘魏忠節大中則鼓棹告急吳門周忠介顧  
昌則傾囊倡助澄江李忠毅應昇則公躬也撫膺涕  
泗翼捍周旋至于文文肅震孟姚文毅希孟或訛言  
不測則日夕占禱或廬居被放則往來金涇舉世林  
之如鶴鶴如野干而公顧有樂與同禍之意崇禎御  
極首折璫祠毀璫像萬憤逡巡尚爲祝釐餘威所劫  
公直前與太守王公索璫像頭遍祭死事忠介諸公  
公故不飲每得邸報則啜茗拍案怒罵徐徐稍定手  
自節抄意所斧鉞交知莫貸所著僚菴野抄同時尚





公名元憲字孺愿歸安人父士完爲山東巡撫萬曆丙辰青州饑人相食士完力行荒政又以爭福藩贍田事忤上意因以疾告公中天啟乙丑進士爲京學教授遷國子博士時魏璫勢張甚有請立祠太學者公嘿止之未幾烈皇帝立公爲武選司主事首抗疏請誅魏璫略云稱功頌德布滿天下幾如王莽之妄引符命列爵三等畀之乳臭幾如梁冀之一門五侯遍列私人分置要津幾如王衍之狡兔三窟輿珍

輦寶藏積肅寧幾如董卓之儼焉自固動輒傳旨鉗制百僚幾如趙高之指鹿爲馬誅鋤士類傷殘元氣幾如節甫之鉤黨株連陰養死士陳兵自衛幾如桓溫之壁後置人廣開告許道路以目幾如則天之羅鉗結網疏下海內傳誦未幾璫伏誅明年遵化兵乏餉而譁撫臣不能制公奉部檄馳諭數言而定尋改文選司主事晉員外乞假歸崇禎辛巳召爲考功郎中掌京察時用法益峻政府以刻深得幸嚴銜邏卒恫喝爲奸利公乃疏陳四事曰情面宜絕蒐採宜博

匿帑宜杜。察核宜公。已而京察疏入。失政府意。被占詰問。公侃侃不屈。尋改文選司郎中。降行人司正。壬午召爲尚寶司丞。不就歸。乙酉後。鍵戶不出。雖親故罕見其面。悒鬱成疾。癸巳夏卒。

論曰。士大夫策身仕路。苟不能敝屣浮名。蠅蛻軒冕。欲孤行一意。難矣。公自筮仕至懸車。劾權璫。忤時相。非置一官于度外者。不能卒以憂天恤緯。絕人逃世。其亦袁夏甫范承明之流亞與。

公諱王贊字子裁號柯亭蘇州人崇禎丁丑進士除  
蘭谿知縣越五載免歸南京立補東陽丁內艱國變  
後削髮爲僧固窮以死其在蘭谿廉明仁恕平訟寇  
懲訟徒保富民拔寒士爲令五年所飲止蘭溪勺水  
額內美入纖毫不取惟贖鍰得四百金歸行召吏與  
之令治陂塘以便行旅定役以產爲差胥吏不得上  
下其手發奸摘伏如神有兩人爭犢爲牽兩母牛置  
於旁而箠掠其犢一母牛有轂棘狀其一否遂得其  
故視野乘

卷四

七

二集

實其明察類如此縣當水陸衝傳置煩苦公爲捐俸  
造房吏民便之太宰某應召入都道經縣額外索水  
夫不得其僦從擒縣祿以去公追及之不得見乃抗  
聲曰太宰上佐天子黜陟幽明奈何以細故因此一  
方民耶竟奪之以歸庚辰入覲時上許許吏直陳地  
方利害公抗言南糧等事報聞復任先是監司素不  
善公命府倅視縣篆者刺公陰事無所得已而巡方  
御史按部訪豪懸公無所上檄催不應御史怒司府  
從而媒孽之御史遂露章劾公因解任士民泣送者

數萬人尋奉旨撫按提問吳越諸縉紳力爭之不得  
後閣部諸大臣疏論廢籍人才皆首推公一日上語  
輔臣人才難得愛惜宜先張采盛王贊何如人輔臣  
周延儒對曰采讀書樂道王贊潔已愛民上曰張采  
病廢王贊何以被忝對曰不善事上官上曰此強項  
吏也越數日復召對又語輔臣有一好知縣未見推  
用尋手出一摺示之則御史叅公事始末也又曰此  
人宜在銓部方擬起用而京師變作矣弘光初東陽  
許都亂亂首雖就擒而餘黨猶時出劫掠大司馬張

國維邑人也知公在蘭谿有善政故請用公東陽以  
撫綏之公至金華兩邑人士爭來迎接維時亂民叛  
黨林立道左或恐不測謂宜陳兵備變公曰是不過  
欲識新官無他虞也去蓋示之面皆拱揖而去公至  
署首視囚簿凡以許都事株連者悉慰遣之餘黨感  
公恩皆散去甫旬日丁憂歸南京再變公自縊以救  
免乃托跡空門遷居陽城之村以訓蒙自給暇則與  
田夫稚子狎處嬉遊所居茅屋三間上漏下濕恬若  
不知惟手一編呻吟自適顧貧益甚日無再食或挑

野○茨○叢○蒿○雜○以○蔣○麥○稍○佐○饔○飧○嘗○有○知○交○當○道○遺○書○  
俟○問○拒○不○納○其○卒○也○同○年○給○諫○吳○适○孝○廉○鄭○敷○教○捐○  
金○贖○之○始○克○殯○蘭○人○立○祠○特○祀○額○曰○盛○德○至○善○云○适○  
字○幼○洪○亦○吳○縣○人○丁○丑○進○士○爲○衢○州○推○官○有○異○政○考○  
選○給○事○中○疏○凡○累○上○不○畏○強○禦○嘗○諫○止○太○監○李○國○輔○  
開○採○雲○霧○山○謂○雲○霧○山○卽○封○禁○山○縱○橫○千○里○北○通○徽○  
池○南○連○八○閩○東○抵○衢○嚴○西○界○信○州○其○間○內○阻○峻○嶺○外○  
多○絕○谷○綿○延○重○疊○萼○路○崎○嶇○厲○禁○旣○久○開○鑿○維○艱○不○  
便○一○林○莽○高○深○重○巒○疊○嶂○毒○蛇○猛○獸○生○育○繁○茲○一○旦○

故頑野乘

卷四

三

二集

開○伐○狂○奔○突○噬○傷○人○必○多○不○便○二○遂○深○幽○與○迴○絕○垣○  
區○水○不○通○舟○陸○難○移○運○縱○使○輸○垂○再○出○疇○令○神○輸○不○  
便○三○乘○傳○驛○騷○有○司○因○於○供○億○誰○籌○正○賦○且○吏○胥○假○  
公○行○私○何○所○不○至○而○力○田○小○民○棄○本○逐○末○消○磨○歲○月○  
土○田○有○荒○蕪○之○困○力○役○多○死○亡○之○憂○不○便○四○興○朝○舉○  
動○天○下○顛○望○以○卜○安○危○今○以○無○利○有○害○之○事○而○特○遣○  
重○臣○搖○動○人○心○傾○危○四○省○垂○之○史○冊○貽○譏○後○世○不○便○  
五○遠○邇○傳○聞○必○且○蜂○屯○蟻○聚○競○營○巢○穴○居○奇○召○亂○約○  
束○無○力○是○使○盜○賊○復○生○而○殺○戮○再○見○不○便○六○况○此○山○

地連陵寢自正統初開伐致傷地脈遂釀土木之難  
洩山川靈氣不便七疏入報罷遂大忤馬士英意而  
蔡尤恨公執法公再疏叅總兵牟文綬本無寸  
功驟列大帥縱兵誹掠摧陷建德東流大屬非法方  
國安受國厚恩銅陵西關南陵城外聚兵攻擊赤子  
何辜遭茲塗炭益之深熱其與叛逆何異陛下宜加  
禁戢相某稟旨切責謂公謬言亂政明日具疏特糾  
逮公下獄御史張孫振繼之謂公爲東林滴派復社  
渠魁宜速正兩觀之誅尋以國變得免

薇神野乘

卷四

二十一

二集

論曰人嘗言叔世民誕不可以德治治之豈其然與  
觀于盛先王之外和內介久道化成而漸于匹夫匹  
婦之心如此廟食百世有以也士大夫學古入官推  
致君澤民是望苟得與卓茂中牟竝傳盛矣何必高  
位哉

與山川靈氣不與之與人相親遠之乎  
賦製剽竊自五絲兩開封煙樹此湘浪難土木之難

黃御史傳

公名宗昌字長倩號鶴嶺卽墨人天啟壬戌進士除  
雄縣知縣下車卽收豪族之奸橫者寘之法又有中  
涓之黨乘中涓死盡攘其所竊官帑因而殺人賄結  
權貴無敢問者公捕之論如律百方請囑不聽調清  
苑崇禎初入爲山西道御史首劾權奄以殿工矯旨  
進銜者六十一人再劾周延儒貪穢奉旨詰問奪俸  
巡按湖廣時岷王爲較尉彭侍聖及善化王長子企  
鉅等所弑其事隱莫白詔法司及撫按鞫問三四年

校顧野乘

卷四

五三

二集

不得要領乃命中官駙馬各一人前往會訊而撫臣  
以邊警入援公獨決其獄復奉旨責問前諸臣失出  
之罪公疏糾一守道一知府一同知受賄庇逆而上  
以公不糾在先降四級調用其時延儒已大拜矣公  
旣歸而復以清苑逋賦連及公候訊會詔蠲得釋十  
五年冬卽墨被圍公率士民登陴固守仲子基中流  
矢死明年延儒賜自盡掌憲李公邦華薦公未及用  
而京師陷公將南赴以土賊圍城不得出家居二年  
握髮以終方仲子基遇難室人周氏偕三妾一郭二



劉同殉稱爲五烈而長子坦叔子埈俱有才名國變後竣感憤以死其一門忠義如此又有諸生王義如者字御赤卽公中表至戚也其爲學獨究程朱之指謂小學一書充之可以平天下國變杜門養母母死卽自縊遺訓其子曰吾身一生爲親之子卽爲君之子此天地大經無貴賤一者也我生不辰丁斯禍酷警土而害義不可以爲臣然親不忍遺故寧蹈不子之罪以殉君是余之苦心余之大罪也十一月四日絕筆嗚呼烈哉忠孝士不饒不文貧者願思

文貞堂

卷四  
卷四

三三

二集

其錄華黜泐然特官籍馬各二

有罪且司

論曰往外父王忠初先生官定興時御史亦令清庶歡相得也外父每爲予言御史剛正樸忠簡言寡然遇事直前不顧利害其才節有過人遠者卒以遭時方蹶賫恨以歿一門忠義日月爭光而其長君朗生皇士言其同有蒐討斯文之志此尤予所期且暮遇之者安得不遙聞聲而相思耶

德同敵辭念玉然而身士出殊有然則序本谷

劉教諭傳

附子臨及女

公名永錫字欽爾魏縣人少博學負奇節凡象農無不精究崇禎丙子舉於鄉連上公車不第甲申春就選長洲教諭會賊陷京師携夫人粟氏以下及僮僕二十餘人間道南行既至洋子江刺船歌曰白日落兮水茫茫家千里兮來遠方壯士離憂兮何時歸故鄉音節慷慨舟中人皆泣下時南都再建有薦公於貴陽相國者徵還以美職公不可惟日設臯比與諸生講道德明忠孝士有餽遺卻不受貧者願周之數月教大行邑令遂寧李公實深嚴重公已署崇明縣事與妻子日食蔬粥居三月庭無留獄將還男女號泣送者萬人是時學宮傍有丈人者濟南人匿姓名游吳市二十餘年公暇則召之飲丈人攝衣直入據上坐意氣殊相得也乙酉六兵南下公率妻子隱東門外之陽城有六吏重公名令門下士進說且脅之公偏袒扼腕疾視曰我中原男子年二十渡澶河登大伾躍馬鳴鞭兩河豪傑無不知我者若奈一欲官我乎今日之事得下報烈皇帝死不恨卽

坐上劍躍而前門下士趨抱止之泥首慚謝去公謂  
夫人女曰彼再至我與若立自決矣皆裂天帛握七  
首以待會事解得免公草衣敝屨以葛巾蒙其髮竟  
日坐土室中北面涕泣妻子織蒲席葦簾爲衣食資  
初公在京師以女許同舍生至是女已及笄知公義  
不比歸而舅家相去二千里恐身無所托一旦貽堂  
上憂遂絕粒旬日而死夫人哭之慟數月成疾亦死  
後期年大水乏食家僮數人相繼死埋骨道旁冢  
索索然公乃遣子臨與婦魏臨旣歸思其父不置

放顧野乘

卷四

五

二集

假貸得百金欲持以獻晨夜南馳馬驚墮地被傷死  
公於是嘆曰女死貞妻死慈子死孝天之報我何其  
厚哉顧貧益甚獨居茅舍不蔽風雨神色自若公好  
爲詩歌嘗覆髮與里中兒鼓棹里中兒爲吳歎公和  
歌曰溯彼中流兮采其荇矣思君與父兮皇賦閭矣  
身爲餓夫兮天所命矣中心殷殷兮淚之隕矣歌罷  
淚不能止里中兒亦相顧歔歔公長身八尺容貌魁  
偉至是形毀骨立兩瞳盡突見者哀之甲午秋疾劇  
猶大呼烈皇帝者三遂卒齊丈人聞徒跣至令加

櫛沐哭而撫其肩曰嗟乎劉公鬚眉無恙于是吳中  
賢士大夫李公樸輩爲經紀其喪事卜地虎丘山塘  
夫人及貞女皆附葬云

論曰予束髮爲諸生浮沉學宮垂二十年經事廣文  
先生往往如一轍自虞山陸孟臯先生外其不爲子  
雲所譏刺者尠矣寒儒貧士擔簦負笈爲俯仰計良  
苦辛也歲時伏臘聚族而謀則又以不能修脯是懼  
或稱貸拮据以往至學宮前頭岑岑加重足儷儷不  
敢前旣候之署闈人預探有贄已乃出見見則往往

以怒容盛氣臨之已納贄則手受納袖中默以指度  
臆莽稍如意始降顏色相遇否則怒益熾設諸難習  
過若責償夙逋然曲辭款說求得免譙訶以出則厚  
幸矣乃一遇豪富子弟至輒款狎留連杯酒交歡或  
謔浪蝶褻無復夷等而被絛袴之徒出則揚揚捫腹  
行衢街間覩朋儕旁若無目流視之而已余每慨代  
太息不謂禮義相先地而陵夷至此極也若劉先生  
介性清操和風亮節可不謂表表者與卒以憂時  
志困頓流離一門以內父死忠子死孝母死慈女死

張主事傳

附馬嘉植

公名采字受先號南郭太倉人幼穎異攻苦嗜學文  
名播海內父早逝事母至孝會五旬誕日四方名士  
冠蓋填塞公蓋草爲房以延客一時美之曰榮  
之道莫過乎是及母抱疴瀕危公浹月不寐去士  
人之服而請于神哀號倍至病立起天啟丁卯舉于  
鄉戊辰成進士第三人授臨川知縣其居官儉以持  
身廉以服物與其邑孝廉博士員談文移日分夜無  
幾微倦色又均馬政制豪猾恤行戶蠲哥餞法無不

故願野乘

卷四

五

二集

善○至○徵○稅○入○公○帑○例○有○耗○羨○公○悉○除○之○所○飲○止○臨○川  
一○勺○水○地○方○爭○尸○祝○公○然○性○好○讀○書○厭○煩○劇○拮○据○期  
年○屢○致○伏○枕○請○告○歸○杜○門○謝○客○矻○矻○丹○黃○饗○養○之○費  
惟○取○給○于○十○指○家○酷○貧○常○以○其○腰○圍○質○之○典○庫○每○邑  
有○大○事○則○從○鄉○紳○給○諫○許○國○榮○借○帶○以○出○或○值○絕○糧  
二○三○僮○僕○瞪○目○請○食○不○得○已○則○并○借○帶○亦○卽○質○去○曰  
給○諫○知○我○貧○不○是○罪○也○著○述○甚○富○一○本○于○聖○賢○立○言  
之○音○風○雲○月○露○非○其○所○好○夙○與○張○公○溥○交○最○厚○創○立  
復○社○天○下○從○風○士○以○不○得○入○爲○恥○先○帝○亦○知○公○讀

書博學名對時與輔臣周延儒等嘉嘆溥率無

爲之立嗣經紀其家尤不可及南京立起禮部儀

司主事嘗上言時事畧云先帝朝吏兵二部懸價

賣官文臣取償民間武臣取償卒伍安得不驅人作

賊無已則兼用保舉換授未幾保舉復有嘗價適爲

貪人開一孔無已則復祖宗時積分法未幾積分復

有嘗價又爲貪人開一孔無已則委任中官而害尤

甚蓋向者賤儒雖貪尚有內外節制中官恃其與援

縱心極意莫可誰何故先帝躊躇屢撤無已則設

嚴衛而害遂不可言蓋小人惟財是視初猶採訪一

二既則姦宄乘間通賄造端遂使大獄奇冤上下則

目不一二年貪人人心各交通嚴衛聽其說事過幾

至於與國俱盡夫先帝日夜懲貪而貪愈熾者孔

子謂政刑民免而無恥德禮則格皇上正位中興國

當事事埽夏今幸保舉永絕積分未行中官偶遺旋

從諫止獨命設嚴衛則廷臣交章不允夫在廷賢者

既無俟若輩簡束若小人襲昔年故智陰與交通則

徒爲增一行金使且皇上疑在廷而屬之嚴衛在廷

讀書起家猶不克勉勵以致皇上之疑噉衛皆市井無賴而欲其仰體宸衷矯在廷數十年積習豈有幾幸臣聞權之所在則利隨之而重權莫如用人天下人才視爲進退誠獎恬抑競端乃鑑衡則天下從令况於輦轂餘三款皆可採未幾卒于家公丰儀峻辭古清厲正襟危坐雖閭室靡媚容言成文章動卽矩矱至性過人敦倫睦族嗜慾泊然篤志圖史交遊遍天下其繫籍弟子名張氏學者不可縷指齒牙堪借不吝吹噓所成就者不知凡幾南國人倫咸歸有

枚韻野乘

卷四

三

二集

道南朝士品半出彥升當馬給諫嘉植爲孝廉時兩上公車未第携其文就正于公公爲血筆而刪抹之給諫謹受教退而從事古學日進于昌明博雅之途明年甲戌遂成進士其自序文稿有云微先生教不至此予感受先先生一如其感水心先生也難矣哉公所著有兩晉兩漢文選文集若干卷行世嘉植字培原平湖人甲戌進士除武進知縣有异政而均役兌漕奪民命于鱷舟虎胥之口至今歌誦不衰稱百年來良吏僅見入爲史料給事中知無不言奏議數

上○泰○謝○冢○宰○有○疏○請○免○加○派○有○疏○條○議○漕○糧○有○疏○指  
陳○禍○本○有○疏○甲○申○督○餉○閩○廣○陛○辭○言○收○拾○人○心○四○事  
一○曰○蠲○免○宜○急○行○也○地○方○每○盡○加○派○安○施○六○月○之○期  
既○失○一○年○之○累○無○休○往○代○或○以○贖○貨○賈○怨○壞○林○大○盈  
日○進○月○進○然○後○盜○賊○起○而○懷○之○今○歲○歲○加○派○歲○歲○發  
帑○公○家○百○姓○俱○殫○燒○壘○朝○廷○虛○担○一○加○派○名○色○府○怨  
於○下○此○最○不○平○之○事○也○二○曰○赦○罪○宜○急○行○也○獄○詞○之  
盛○從○古○未○有○圜○土○椽○舍○日○增○緹○騎○輪○蹄○四○出○是○豈○吉  
祥○善○事○乎○甚○至○書○生○上○書○亦○不○免○焉○夫○從○來○有○矜○疑

故○有○駁○若○甄○淑○等○承○風○銀○鍊○多○莫○須○有○而○人○命○同  
于○草○芥○安○得○不○愁○嘆○滿○路○乎○三○曰○用○人○宜○急○講○也○各  
流○如○劉○宗○周○錢○謙○益○吳○性○輩○從○無○一○人○得○安○意○行○道  
十○有○六○年○繩○繩○繼○繼○盡○是○持○祿○養○交○中○人○以○黨○者○此  
人○必○有○黨○斥○人○以○名○者○此○人○并○不○顧○名○諛○佞○成○風○正  
直○短○氣○四○曰○聽○言○宜○急○講○也○浮○薄○子○張○唇○搖○筆○務○爲  
詖○淫○邪○遁○以○亂○朝○政○聊○騙○此○日○之○官○罔○恤○閭○閻○之○苦  
一○切○苟○且○之○說○求○民○太○甚○而○民○有○懟○心○焉○言○皆○痛○切  
南○京○立○轉○工○科○左○又○上○疏○指○斥○朝○政○謂○比○者○舉○動○乖



張政事顛倒節節爲搖撥根本之圖刻刻爲擾亂東南之事其言任內臣則云始威福大權仍候上出其流弊必至陰持之以傾動海內漸使人主疑外廷進言指爲矯激論事指爲迂疎豈國家之利其言臺諫則云日者旣奪熊汝霖俸文謫袁彭年官以寒謬爲狂將以媵阿取媚爲不狂乎以獻替爲悖妄將以詭佞依違爲不妄不悖乎以盡言爲近名試觀從來遠權勢敦潔誼以近名者亦有幾人乎其言設厰衛則云法司持天下之平迨厰衛間設害不旋踵一入鉗

故頑野乘

卷四

三

二集

網附會者多怨氣愁結上于天和其言大臣則云士貴而後至尊上人輕則百姓惑下無可信則事不可以理奈何更對窮詰輕見辭色使之汙流浹背請死無地臣不願與朝魚水有此景象也其言營繕則云我方有事中原憂憂土木是求外敵窺伺明知無復經畧四方意且朝廷與東南窮百姓共守此一塊土今額餉有增無減民間歲入有數水衡不給勢必取盈於民勢必權督四出勢必詔令不信使東南生氣耗竭騷然挺險誰爲皇土共守茲土者疏入大作士

英得旨回話。適母后南臨。故免究尋。出爲廣東副使。  
國變後。削髮爲僧。蓋嘉植始以吏治顯。而卒以氣節  
稱爲人倫師表云。

論曰。往讀劉劭人物志。品十有二流。清節家第一。常  
庶幾見其人。今觀張儀部之讀書砥行。名動天子。而  
馬給諫冷面剛腸。矢忠圖報。歿世而不改其節。豈非  
所爲極難者乎。夫兩先生皆經世理物之才。而未得  
究其用。世多惜之。然其所樹立固已垂之天壤。而永  
有聞矣。何必卿相哉。

公名鳳翼字異羽號太蒙通州人萬曆戊戌進士廷  
試例選州守自請改順天府學教授秉正嫉邪不可  
一世陞國子監助教戶部雲南司主事管南新濟陽  
二倉代尚書趙世卿上疏酌放軍糧全泔爛米六十  
萬石調吏部歷驗封考功文選三司主事稽勲司員  
外郎乞終養公爲考功佐外計爲文選佐大選黜陟  
無所迴避爲黨人側目于是里居八年以不謹拾遺  
降長蘆運判天故初起工部營繕司主事陞尚寶司

丞陞少卿皆不就權奄用事以東林黨奪職爲民崇  
禎改元復原官公自林居凡東征餘餉領賣官鹽浮  
田止價諸弊政與有司力爭以惠里人會亂民變作  
焚劫州中諸大姓因及公公上疏請振紀綱而扶風  
化乃當國者方與清流爲難羅織公僕坐公激變公  
避地金陵里中父老數千人羣持牛酒迎公歸里壬  
午奉旨起用乙酉南京陞光祿少卿公堅卧不出乙  
未四月卒鄭公玄嶽爲之誌曰公在吏部以用賢遠  
好爲已任有一君子于此當其進之必大進之如顧

端文之起光少高忠憲之推江南司官是也有一小  
人于此當其退之必亟退之如淮揚道府楊檟杜縻  
牛維曜之類是也若高位大寮臺省諸當道以及權  
力不得下者凡是非得失之所在必以清議相後先  
而主持之力居多其或不然則侃侃面諍以爲人才  
消長關國運之盛衰其濟則朝廷之福也不濟則臣  
之罪也所以見善如渴見不善如仇而忌者至矣以  
八年里居之官而呈拾遺之疏以十七年不入都門  
之人而奉削奪之旨公獨處之恬然卒保名壽以終

敬肅野乘

卷四

三五

二集

豈非所謂德音不取者與公內行淳備工書法有詩  
文集二十六卷行世

論曰江北豐鎬地節義蔚然興焉嘉隆時薛考功蕙  
諫大禮梁銀臺子琦忤權相皆侃侃著大節萬泰以  
來何寥寥耶先生以文章節義山斗人倫昔高忠憲  
嘗語周忠介云范太蒙舊銓氷鑑宜如顧端文故事  
復還銓政方能奪胎換骨大補世道人才忠憲之推  
重先生如此則先生之律身行已可知今先生旣歿  
而江北清議所歸尚有吳閭學鹿友李大理映碧姚

大理永言金僉憲斗樞喬侍御聖任巍狀如魯靈光  
矣鳴呼典型在聖文獻猶徽余傳公之行事不禁高  
山仰止之懷也。

故禎野乘

卷四

三

二集

李御史傳

公諱發元字元毓號潞陽直隸高陽人也代有顯聞公少負英異與叔文敏公齊名匣劍帷燈自相師友困童子試者久之年三十補諸生天啟甲子舉于鄉崇禎甲戌成進士除寧波府推官時詔獄繁興文書積案公精心鈎稽務求平反人以不寃謂釋之定國再見也會大旱虔誠步禱甘雨立沛流殍載道捐俸給食全活無筭己卯分試所得多菰蘆僑胥如何公聳吳公亮中郁公之章皆其選也秩滿云治行第一

板嶺野乘

卷四

二集

內召而甲申之變作矣公痛不欲生已乃應選爲廣西道御史乙酉視鹽兩淮當是時天下初定戎馬旁午鹽竈崩潰一二殘商捧足痛哭公竭蹶軫恤抗言上請以淮商所積垣鹽六萬引還商而商乃稍出趨事既而爬搔利病次第修舉祭引日救商本掣殘鹽禁越俎最後和盤打筭謂定窩招認商死不願惟有量力行鹽一法炤新例一引納兩引之價炤舊例一引行兩引之鹽事易修明法最畫一商竈謹呼謂李公生我公又考鏡二百年來淮南鹽政爲官議者十

一爲商議者十三爲竈議者十五爲課議者十三當  
三空九盡之時汲汲以固結人心爲第一義振裘挈  
領炙病得穴課用是登而公以勞瘁不起矣公天性  
孝友純誠篤摯居父母喪辟踊毀瘠沉疴累年所得  
恩瘡不以與子而以讓姪捐逋賑乏鄉黨歸仁焉最  
異者邑罹水患幾致陸沉公剖羊擊豕灑淚告神河  
水一夕頓落三尺民免魚鱉其精誠格天皆此類也  
生平廉潔自矢見利若浼與人交洞開城府聳善掩  
惡每當酒酣抗言在昔風發泉涌聽者忘倦緇衣篤  
好尤傾心善類若范閣學景文劉總憲宗周倪尚書  
元潞馬中丞元颺司馬元颺皆屬至交小夫壬人鈞  
黨病國者如毒蛇螫手惟恐不得斷而去之蓋其秉  
正嫉邪性有由然殆樂易軒闢倜儻不群之君子也  
公卒時年七十子二長琰舉人次瑄廩生俱博學勵  
行有聞于世

論曰予論次熹廟諸賢相自葉文忠劉文端外則必  
以李文敏爲歸云而先生則其從子也司理四明流  
聲廉惠而其視鹽淮上當分崩潰決之時顧不法桑







法始○膽寒○於媚○疏之○被糾○則戢○翼卑○棲附○公論○以求○  
容○既色○得以○根株○之牢固○則張○牙露○爪持○言路○以樹○  
敵○疏入○舉朝○動色○奉旨○罰俸○尋出○爲福州○知府○甫蒞○  
任○舉人○陳某○以闖○事不法○下於○理讞○牘久○稽屬○公主○  
讞○撫軍○某利○其貲○旁掣○之公○執法○如山○爰○書立○定○撫○  
軍○怒命○再審○公屹○不爲○動因○觸忌○告歸○里居○十年○再○  
起○原任○而巡○方御史○爲公○後進○意氣○凌上○公憮○然曰○  
吾○循髮○種種○安能○俯首○事白○面耶○豈二○千石○不勝○五○  
斗○米哉○竟拂○衣去○南都○再建○復起○金華○不赴○鼎革○後○

乃○獨居○東郊○廢圃○中絕○意世事○顏垣○敗壁○戢影○潛身○  
雖○至戚○罕見○顏色○癸巳○疾卒○當病○時或○請醫○某公○曰○  
吾○已偷○生十○五年○矣自○顧此○身踟○天踏○地願○欲從○長○  
桑○君刀○圭乞○須臾○活耶○公性○至孝○讀父○遺書○輒淚○痕○  
盈袖○事母○夫人○問安○視膳○敬慎○恭恪○雖盛○暑必○具衣○  
冠○乃見○傲骨○峻嶒○少可○多怪○不能○容人○自筮○仕至○自○  
首○無暮○夜之○金無○居閒○之札○無聲○色之○樂無○游閒○之○  
客○無號○呶長○夜之○飲無○跳梁○不簡○之僕○誠敬○以待○人○  
忠○厚以○御下○以戰○兢慎○獨砥○後賢○以躬○行實踐○砥礪○

學神助堅悍老而不衰自奉儉約衣必經澀鏽銖儲蓄悉付後人尤精內養能洞見五臟雅好法書名画尊罍彝鼎古今真贋入眼立辨有賞心者不惜千金購之生平與黃公道周姚公希孟文公震孟瞿公式程以道義相砥礪師事高忠憲當忠憲汨羅自湛遺書談公及緹騎窮究漏洩根因有破巢取卵之虞公力爲幹旋復以女字其孫至魏忠節檻車過定興公郊迎五十里裹二百金以贈其不以存亡枯菴易心若此爲諸生卽以文章名世每拈一題不妄下筆強

力沉思不至登峯造極不止每言吾爲文先去其皮後去其肉又去其骨然後取精髓正如錫義其不至盡其木必不開解嘗爲序序制義題曰文難其詞曰凡文之難非夫伸紙能書之難也非夫冲口而出過題立辨之難也又非夫徵竒角險務取乎詰屈聳牙之難也凡文之難在以自巳心靈之竅而接聖賢之神其神或開卷煜煜而吾下筆時不能直逼生面則難其神或孤行一綫葭動灰噓而吾不能以單辭隻語宛然托出則難其神或逗於言中或隱於言外而

吾○四○面○迎○之○不○辨○其○橫○側○所○在○則○又○難○其○神○或○半○吐○半○茹○如○凌○波○之○襪○步○屣○從○空○而○吾○執○其○灰○字○硬○句○以○爲○生○涯○在○是○則○又○難○其○神○或○平○居○如○見○而○臨○境○失○之○或○想○際○如○見○而○脫○下○失○之○或○不○經○意○如○見○而○着○意○失○之○月○旣○墮○而○追○其○光○形○已○逝○而○摸○其○影○則○又○難○故○夫○文○之○難○非○文○之○難○而○傳○神○之○難○也○予○向○者○下○惟○此○遂○頗○稱○苦○心○自○維○性○甚○驩○闇○媿○于○昔○人○所○謂○飛○兔○流○星○越○山○超○海○者○瞠○乎○莫○可○企○及○獨○于○引○錐○刺○股○走○入○醋○甕○之○光○景○日○幾○幾○焉○蓋○當○其○難○也○拈○題○枯○坐○時○覺○心

與○目○目○與○手○常○隔○而○爲○三○而○當○其○難○之○積○久○也○時○覺○心○與○目○目○與○手○常○合○而○爲○一○予○不○敢○以○其○合○爲○一○者○自○憙○而○從○其○隔○爲○三○者○勉○焉○畢○吾○攻○苦○之○力○故○終○守○難○之○說○而○不○變○或○曰○若○言○則○然○矣○有○如○庖○丁○之○日○無○全○牛○畫○竹○之○振○筆○直○遂○難○耶○耶○予○曰○解○牛○者○奏○刀○砉○然○蓋○其○易○而○躊○躇○四○顧○蓋○其○難○也○畫○竹○者○鸞○溪○于○尺○蓋○其○易○而○胸○中○成○局○蓋○其○難○也○蘇○子○有○云○彼○必○嘗○從○事○于○此○而○後○知○其○難○且○工○其○不○知○者○以○爲○苟○然○而○已○通○斯○解○者○可○與○論○業○可○與○撰○微○可○與○晤○對○聖○賢○也

大予婚鄉流綺嘗問作文之法于予予懼其負慧性而流於易也爲述所聞於先正與所身爲試者列簡端以貽之至今海內爭傳誦云所有詩文若干卷藏於家

論曰往庚申辛酉間先生與家大人同硯旣而滿得爲先生子婚十五年來因習先生之人與文先生稔知予貧所以撫恤之者甚至及夫橫逆頻仍先生卯翼而周旋之至今念及未嘗不淚盈盈欲下也跡先生平日行誼其爲令敷政則如卓茂其爲部抗疏忤

啓禎野乘

卷四

四

二集

奸則如賈長沙其爲守疆直不阿忠正無私則如任廷寇恂而高蹈出塵翱翔物外離羣絕俗子然塊處又似袁夏甫阮嗣宗之流其殆鸞特之君子乎吾見世之衰也士皆好圓而惡方豐表而畜裏以踰閑越檢爲脫畧以緘口結舌爲中和風俗日偷敗壞莫救有如先生豈非古之師儒也與豈非鄉先生歿而祭於社者與使以先生鐵面冰心置之梧垣栢署聞吾知裂麻焚詔當日必有可觀而長轡阨于短馭年僅中壽位止五馬而又遭逢喪亂幽憂土室困頓羊腸

賞恨以終此漪傳公之遺事所爲搔首問天而無從也嗚呼痛哉



卷四



03735

